

**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Espesyal nga Isyu  
Abril 14, 2009  
[www.philippinerevolution.net](http://www.philippinerevolution.net)

Pangbukas

## Mga pangkasaysayan nga selebrasyon

**G**inapaguwa sang *Ang Bayan* ang espesyal nga isyu nga ini bilang kabahin sang pagselebrar sang ika-40 anibersaryo sang Partido Komunista sang Pilipinas (PKP) kag Bag-ong Hangaway sang Banwa (BHB). Ginsunod sa espesyal nga ini ang kasaysayan sang PKP kag sang rebolusyonaryo nga kahublagan sang pumuluyo halin dekada 1960 sa katuyuan nga may mas madalom nga ihibalo sa subong nga kahimtangan, mga hilikuton kag perspektiba sang rebolusyon nga Pilipino.

Ang espesyal nga isyu nga ini nagserbi man nga kontribusyon sang PKP sa pagsaulog sa ika-50 tuig sang rebolusyonaryo nga paghimakas sang tagapundar nga pangulo sang PKP nga si Kaupod Jose Ma. Sison, isa sa pinakakilala kag pangunahon nga proletaryo nga rebolusyonaryo nga lider sa Pilipinas kag sa bilog nga kalibutan. Ang rebolusyonaryo nga kasaysayan ni Kaupod Sison nakatahi na sa kasaysayan sang PKP kag rebolusyon nga Pilipino. Indi maayuan ang malahalon nga papel nga gintungdan kag padayon nga ginatungdan niya sa pagpasulong sang rebolusyonaryo nga paghimakas sang pumuluyo.

Ang espesyal nga isyu nga ini mahimo nga magaserbi nga dugang nga materyal para sa masangkad nga pagtuon sa kasaysayan sang PKP. Halin diri mahimo tun-an ang iban pa nga mga dokumento kag balasahon agud mas madaluman nga tun-an ang lain-lain nga tsapter sang kasaysayan sang PKP.



## Ang una nga tinuig sang gintukod liwat nga Partido

**B**ag-o gid lang matukod liwat ang Partido Komunista sang Pilipinas sadtong Disyembre 26, 1968 gilayon na ini nangkon sang bulawanon nga kadalagan sa patag sang ideolohiya, pulitika kag organisasyon.

Pinakadaku sa mga ini amo ang pursigido nga pagsikway sa moderno nga rebisyunismo sang mga Lava kag pagsakdag kag paggamit sa Marxismo-Leninismo-Kaisipang Mao Zedong (MLK-MZ) bilang teoritiko nga ubay sang Partido, ang matalom kag madalom nga kritika sa kasaysayan kag katilingban nga Pilipino, kag ang pag-athag sa linya sang pungsodnon demokrati-kong rebolusyon, lakip na ang makasahing linya, mga tulungdan kag mga pamaagi sini.

Antes ini, lubos na nga nangin burgis, inutil kag abusado sa pumuluyo ang daan nga partido nga nasamad sang moderno nga rebisyunismo. Ang daan nga hangaway sang banwa nga anay ginapamunuan sini nangin mga hubon lamang sang mga bandido nga lagawan.

### Paghanda sa liwat nga pagtukod sang Partido

Halin sa sulod sang daan nga partido, nagpursiger ang mga

proletaryo nga rebolusyonaryo sa pagpanguna ni Kaupod Jose Ma. Sison. Myembro siya sadto sang Komiteng Tagapatuman sini. Sadtong temprano pa nga bahin sang dekada 1960, lubos nga ginasulong na nanday Kaupod Sison kag mga abante nga elemento sa kahublagan mamumugon kag pamatan-on ang anti-imperyalista kag antipiyudal nga linya kag kahublagan sa kubay sang pumuluyo.

Gintukod ni Kaupod Sison sadtong 1964 ang Kabataang Makabayan. Ginpangunahan sadto sang KM ang daku nga demonstrasyon sa Kamaynilaan batuk sa mabangis nga kontra-rebolusyonaryong gera sang imperyalismong US sa Vietnam.

Pila ka tuig antes ini, gintukod ni Kaupod Sison ang Student Cultural Association of UP (SCAUP) nga nagpalapnag sang mga pagtuon kag talakayan sa Marxismo-Leninismo kag sa pungsodnon demokrati-kong rebolusyon.

Nagbun-ag kag nagpauswag ang organisasyon nga ini sang madamo nga proletaryo nga rebolusyonaryo halin sa mga estudyante sang UP.

Padayon si Kaupod Sison nga nagsulat kag nagpamulong-pulong

sa mga porum sang mga kumprehensibo kag matalom nga mga artikulo kaangot sang paghimakas para sa pungsodno nga demokrasya kag nagtungod sang nagapamuno nga papel sa kahublagan mamumugon kag pamatan-on kag sa malapad nga nagahiliugyong prente.

Ginduso sadto ni Kaupod Sison ang kakinahanglanon nga magbali-tuon sa kasaysayan, magtuon sang Marxismo-Leninismo kag mag-saway sa mga kasaypanan.

Gin-aprubahan sang Komiteng Tagapatuman sang Partido ang iya suhestyon sadto pa nga 1964 nga maghimo sang pagsuma sang inagihan sang Partido halin pa sa pagkatukod sini sadtong 1930. Nagsu-miter siya sang pangkabilugan nga report sadtong 1966 nga nagaunod sang pag-analisa sa nagaluntad nga kahimtangan sang pungsod kag kalibutan, pasaway sa mga kasaypanan sang nagsulunod nga liderato sang Partido kag pag-athag sang mga rebolusyonaryo nga tunglungdan. Pero gintapna kag ginpahigad lamang ini sang pamunuan sang Partido kag ginhimo pa siya nga target sang mga pagpanamad.

Sa atubang sang pagbalibad sang mga Lava nga masaway ang


ila nga mga pagsayup, napilitan sanday Kaupod Sison kag iban pa nga proletaryo nga rebolusyonaryo nga dalayon nga maghalin sadtong 1967 halin sa lubos nga naggaruk kag patay na nga partido. Ginlunsar nanday Kaupod Sison ang isa ka lubos nga kampanya sa pagsaway kag pag-sikway sa mga traidor nga rebisyunistang Lava nga naglab-ot sa liwat nga pagtukod sang partido komunista sadtong Disyembre 26, 1968.

### Pagtukod liwat sang PKP

Ang pagpreparar sa liwat nga pagtukod sang Partido nag-agi sa maid-id nga proseso sang konsolidasyon, pangunahon na ang pagtuon sa MLKMZ kag pagsapraktika sini sa mga teoritikal kag praktikal nga halambalanon sang rebolusyon nga Pilipino. Naghanas sang mga kadre kag nakigkonsultahanay sa mga napauswg nga aktibistang masa. Ginhandang borador sang mga dokumento sang liwat nga pagtukod kag ginpalibot ang mga ini.

Ginhiwat ang kongreso sang liwat nga pagtukod sang Partido sa Barangay Dulacac, Alaminos, Pangasinan. Pormal ini nga ginhiwat sadtong Disyembre 26, 1968. Napulo'g isa ang tanan nga delegado sa Una nga Kongreso sang PKP nga luwas kay Kaupod Sison gintambungan nanday Carlos del Rosario, Arthur Garcia kag iban pa. Napilian sa Una nga Kongreso si Kaupod Sison (nga nagagamit sadto sang ngalan sa paghimakas nga Amado Guerrero) bilang Tagapangulo sang Komite Sentral. Sadtong panahon nga ina, ang PKP nagaangkon na sang suporta sang pila ka gatos nga aktibistang masa kag may bayseng masa sa kasyudaran nga nagalab-ot sang 15,000 mamumugon kag pamatan-on.

Sa ubay sang MLKMZ, madalom nga gintun-an kag gin-analisa ang kasaysayan kag kinaiya sang katinglaban nga Pilipino kag gintalana ang pangkabilugan nga linya sang

 <p>Espesyal nga Isyu Abril 14, 2009</p> <p>Ang <i>Ang Bayan</i> ginabantala sa lengwahe nga Pilipino, Bisaya, Iloko, Hiligaynon, Waray kag Ingles.</p> <p>Mahimo ini i-download halin sa <i>Philippine Revolution Web Central</i> nga makit-an sa:</p> <p><a href="http://www.philippinerevolution.org">www.philippinerevolution.org</a></p> <p>Nagabaton ang <i>Ang Bayan</i> sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.</p> <p>Malab-ot kami paagi sa e-mail sa: <a href="mailto:angbayan@yahoo.com">angbayan@yahoo.com</a></p>	
<p><b>Kaundan</b></p>	
<b>Pangbukas</b>	<b>1</b>
Ang una nga tinuig sang liwat nga pagtukod sg Partido kag panibag-o nga pagsulong sg rebolusyong Pilipino	<b>1</b>
Tatlo ka sinulatan ni Amado Guerrero	<b>7</b>
Ang Ikaduha nga Dungganon nga Panadlong	<b>9</b>
Jose Maria Sison: Ubay sg Rebolusyong Pilipino	<b>12</b>
Pasista nga desperasyon sg kaaway kag rebolusyonaryong pagbato sg pumuluyo	<b>16</b>
Pagtdalong, pagsulong kag mga hangkat	<b>19</b>
Mga kontribusyon sa pangkalibutanon nga kahublagan komunista	<b>22</b>
<p>Ang <i>Ang Bayan</i> ginabantala duha ka beses kada bulan sang Komite Sentral sang Partido Komunista sang Pilipinas</p>	

demokratiko nga rebolusyon sang banwa bilang una nga halintang sang rebolusyon nga Pilipino. Pangunahon nga nag-athag sang mga ini ang sinulatan nga *Katilingban kag Rebolusyon nga Pilipino* kag iban pa nga mga sinulatan ni Amado Guerrero.

Ginapalapnag sa mga katapuan sang Partido kag mga aktibistang masa ang mga sinulatan ni Tagapangulong Mao lakip ang *Lima ka Bulawanon nga Silak*, isang koleksyon sang mga sanaysay nga nagserbi nga inspirasyon sa kampanya "Alagaran ang pumuluyo!" kag nagpalapnag sang diwa nga aktibista para sa pumuluyo. Ginpalapnag man ang mga sinulatan sang mga dungganon nga manunudlo nga komunista nga sanday Karl Marx, Friedrich Engels, Vladimir Ilyich Lenin kag Josef Stalin. Gilayon nga ginsalhin kag ginpanagtag ang mga ini sa lengwaheng Pilipino agud mas madasig kag lubos nga mahakos sang malapad nga katapuan sang Partido ang Marxista-Leninista nga panindugan, panan-awan kag pamaagi.

Bilang kabahin sang padayon nga pagkontra sa modernong rebisyonismo, ginpagwa sang Komite Sentral ang *Report Bahin sa Propaganda sang mga Lava para sa Rebisyonismo kag Pasismo* agud ihimutig ang mga palso nga pahayag sang mga Lava kag ihayag ang ila pagka-pasista nga papet sang sosyal-imperyalismong Soviet kag sang hubon US-Marcos.

Ginpalapnag ang mga dokumento sang liwat nga pagtukod sang Partido kag pagtukod sang Bag-ong Hangaway sang Banwa, ang mga report pangpulitika sang Buro Pangpulitika kag ang mga pahayag kag komentaryo bahin sa mainit nga isyu pungsodnon kag pangkalibutanon. Ginpagwa man ang mga ini sa popular nga porma sa *Ang Bayan*, ang pangpulitika nga pahayagan sang Komite Sen-

tral. Nagpaguwa man sang mga pahayag kag manipesto kag iban pa nga porma sang rebolusyonaryong propaganda ang mga organo sang Partido, BHB kag mga organisasyong masa sa lain-lain nga lebel.

Gintakda sadtong 1970 ang tatlo ka lebel nga kurso pang-edukasyon sa Partido: primarya, intermedya kag abante. Halin sadtong 1971 labi nga nagpagsik ang mga iskwelahan sang Partido. Malapad nga naglapnag ang mga rebolusyonaryong balasahon. Halin sa pila ka gatos nga ginapaguwa sang Palimbagang Sentral, naglab-ot ini sa 10,000 kopya kada publikasyon. Mas mapagsik pa ang mga propaganda kon isipon lakip ang mga pahayagan kag manipesto nga ginpagwa sang lain-lain nga demokratikong organisasyon kag pati sang masmidya kag mga pahayagan sa mga iskwelahan kag iban pa nga institusyon nga ginahulagan sang mga aktibista kag impluwensyado sang Partido. Ginpapagsik ang pagsalhin sang mga rebolusyonaryong balasahon pakadto sa Pilipino kag iban pa nga mayor nga lengwahe.

Nagdaku ang katapuan sang Partido halin pila ka pulo sadtong 1969 pakadto sa pila ka gatos sadtong 1970 kag 1971 tubtub indi magnubo sa 2,000 sang ginpaguwa ang tatlo ka tuig nga pagsuma sini sadtong Marso 1973. Sadtong katapusan sang 1972, naglab-ot sa 55% sang katapuan sang Partido ang ara sa kaumhan kag nagasulong sang armadong paghimakas kag 45% ang ara sa Maynila-Rizal kag mga syudad sa iban pa nga rehiyon. Sa panahon nga ini nagsugod nga magdaku ang proporsyon sang katapuan halin sa masang mangunguma. Nakita nga kinahanglanon gid nga padakuon pa ang proporsyon sang mga halin sa sahing mamumugon. Singkwenta'y tres porsyento (53%) sadto ang naghalin sa sahing mangunguma, 4% ang naghalin sa saring mamu-



mugon kag 43% ang naghalin sa sahing petiburgesya.

Sadtong umpisa napunggan ang mas madasig nga paglapad sang katapuan sang Partido bangud sa problema sang sektaryanismo. Pila pa libo nga abanteng aktibista halin sa kaumhan kag kasyudaran ang wala pa gihapon marekomendar sa Partido. Gintakda sa Ikaduha nga Plenum sang Komite Sentral ang pamaagi sang mapangahason nga pagpalapad sang Partido nga wala ginapalusot ang bisan isa ka malain nga elemento. Nagpaguwa sang *Ubay sa Organisasyon kag Balayon sang Pagreport* nga nagtakda kon pano tukuron ang organisasyon sang Partido sa lain-lain nga lebel lunsay sa kaumhan kag kasyudaran.

Ginsuguran ang pagtukod sang mga rehiyunal nga organisasyon sang Partido. Ang pinakamabaskog sadto nga rehiyunal nga organisasyon amo ang sa Northern Luzon, Manila-Rizal, Central Luzon kag Southern Luzon, kon sa diin makit-an ang 30% sang katapuan sang Partido. Napunuan man sadto ang mga pungsodnon nga organo nga istap.

### **Paglunsar sang Armado nga Rebolusyon**

Gilayon pagkatapos ang liwat nga pagtukod sang Partido, nangangut ang pamunuan sini sa maayo pa nga nabilin sang daan nga hangaway sang banwa nga may kada-kuon nga 80,000 baseng masa sa ikaduha nga distrito sang Tarlac. Sadtong Marso 29, 1969, sa ika-27

anibersaryo sang pagkatukod sang Hukbo ng Bayan Laban sa Hapon, gintukod ang Bag-ong Hangaway sang Banwa ginhimo ang mga pag-sulondan sini. Saysenta (60) Pulang hangaway nga may ara lamang siyam nga awtomatiko nga riple kag 25 manubo kalibreng riple kag mga pistola ang gin-umpisahan sini.

Ginlunsar ang pagpanadlong sa mga kasaypanan sang mga rebisyonistang hubon Lava kag mga armadong pwersa nila nga nangin mga bandido nga lagawan na lamang. Mapasensyahan man nila nga ginlunsar ang hilikuton rekoberi sa mga nawasak nga daan nga rebolusyonaryo nga baseng masa sa Central Luzon.

Madasig naglapad ang BHB halin sa pagbase sa isa ka bahin lang sang Central Luzon. Gilayon naglunsar sang mga paghanas sang mga pwersa nga igadeploy sa Northern Luzon, Southern Luzon kag Visayas. Ang una nga mga nakatapos ginpadala sa Isabela, madasig nga nakaugat sa masa kag nakatukod didto sang malapad nga rebolusyonaryo nga baseng masa nga nagaabot sang 300,000 sadtong 1972, kag umpisa diri gilayon nakapalapad pa sila sa mga prubinsya sang Nueva Vizcaya kag Quirino sa Cagayan Valley kag sa prubinsya sang Ifugao sa Cordillera.

Makaligad ang tatlo ka tuig, may ara na nga 72 regular nga iskwal ang BHB nga ginatapan sang 800 lubos-panahon nga pwersa nga armado sang moderno nga mga armas. May ara sadto nga napulo ka regular nga platoon kag duha nga regular nga kumpanya. Sa tanan nga rehiyon may mga kadre nga nakatapos na sang pulitiko-militar nga paghanas. Lakip sa armado nga kusog sang BHB indi lamang ang mga regular nga hangaway sini kundi 1,500 pa nga lokal nga hangaway nga gerilya nga mayorya armado sang mga paltik kag mga 16,000 milisya sang pumuluyo nga armado

sang paltik kag mga human-sa-balay nga armas.

Nakadulot sadto ang BHB sang 1,700 kaswalti sa kaaway paagi sang mga operasyong aresto, ambus, reyde, sabotahe kag iban pa. Walo ka gatos sa mga ini napatay ukon indi gani malala nga napilasan sa inaway. Napapas man ang mga impormer, despotiko nga agalon nga mayduta kag malain nga elemento. May mga ginsalakay nga dalagku nga instalasyon nga militar sang US kag AFP pareho sang bilding sang JUSMAG sa Quezon City kag mga command post sang Task Force Lawin sa Central Luzon kag Northern Luzon.

Naglunsar man sang hilikuton sa kubay sang kaaway nga hangaway. Talalupangdon nga bunga sini ang pag-upod sa BHB sang duha ka upisyal sang AFP. Ginreyd ang Philippine Military Academy sa bulig sang nasambit nga mga upisyal nga naghalin diri, kag ginsipot ang armorini sini. Ginwasak ang anom nga salakyan pangkahanginan sang kaaway, lakip ang lima ka helikopter, mga trak, dyip kag *armored car* sang AFP, mga kagamitan pangkomunikasyon kag iban pa nga suplay militar.

### **Pagpundar sang baseng masa**

Sa una nga tatlo ka tuig, natukod sang Partido kag BHB sa kaumahan ang 735 temporaryo nga komite pang-organisa (KP) sa baryo kag 60 lubos nga komiteng rebolusyonaryo sa baryo (KRB). Sakop sadto sang mga KRB ang 400,000 baseng masa sa 18 prubinsya: pito sa Northern Luzon, lima sa Central Luzon, apat sa Southern Luzon kag duha sa Western Visayas.

Ang hugot nga paghiliusa sang Partido kag disiplinang mga myembro sini ang nangin basehan sang ikasarang sini nga makapalapad sang kubay sini kag makadepensa bisan sa atubang sang mabaskog nga kampanya sang kaaway para waskon ini. Sa una nga tatlo ka tu-

ig pa lang napangibabawan sang Partido kag mga pwersa nga ginapamunuan sini ang pila sang kampanya sang paglikup kag pagtapna.

Bisan pa man, nakaagi ang mga ini sang mabaskog nga kahalitan bangud sa mga tampok nga kahinaan. Pangunahon diri ang puro militar nga panan-awan, ang adelantado nga pagkonsentrang pwersa kag ang wala-sa-panahon kag sayup nga konsepto sang pagtukod sang "baseng purok."

Sa mga una nga tatlo ka tuig sang BHB, nakaagi sang mga kahalitan ang mga yunit sini nga naghayag sa nagkalain-lain nga lugar nga dala-dala ang armas bisan wala pa sang nauna nga hilikuton masa. Mas madamo pa nga kahalitan halin 1970 ang gindulot sang masayado nga temprano nga pagpataas nga konsentrasyon sang pwersa kag kaisipan nga "kuta nga bukid."

Napapas sadtong 1970 ang isa ka kumpanya sang BHB nga adelantado nga gintukod kag nagapirmi sa manipis nga talon sang Tarlac-Zambales. Napapas man ang isa ka kumpanya nga pilit nga gintukod bisan kulang ang armas sa Nueva Vizcaya sadtong 1973.

Sadtong 1974, madasig nga nagdaku kag naglapad pakadto sa kusog-kumpanya ang BHB sa Sorsogon paagi sang madinalag-on nga serye sang mga taktikal nga opensiba. Apang bangud sa sayup



nga pagkonsentrar sa pilit nga gintukod nga artipisyal nga “baseng purok,” napapas ini sang napalibutan kag mapilitan nga depensahan ang kaugalingon sa isa ka separado nga “kuta nga bukid.”

Pinakamalala ang kahalitan kag grabe nga kabudlayan nga ginagyan sang duha ka kumpanya sang hangaway sang banwa nga nagpamilit magpabilin sa makitid nga kagulangan sang Isabela sadtong 1972-76 sa pihak sang dalagkuan nga kampanya sadto sang kaaway sang pagpalibot, pagpabakwet sang masa kag pagdeklarar sang lugar nga “free fire zone.” Ini sa pihak sang paabot sang Komite Sentral nga magsaylo sa mas magagmay nga yunit, lampuwasan ang paglikup sang kaaway kag magsaylo sa prubinsya sang Cagayan kon sa diin mas madamol ang populasyon, malapad ang maniobrahan kag mahina kag manipis ang latag sang kaaway.

Ang mga leksyon kag pag-athag sa nagkalain-lain nga aspeto sang pagsulong sang inaway banwa, pagtukod sang hangaway sang banwa, pagtukod sang baseng masa kag mga kadungan kag iban pa nga rebolusyonaryo nga hilikuton ang kaundan sang mga sinulatan nga ginsulat ni Kaupod Amado Guerrero nga *Ang mga Partikular nga Kinaiya sang Aton Inaway Banwa* (sadtong 1974) kag *Ang Gilayon Naton nga mga Tulungdan* (sadtong 1976).

### **Ligal nga demokratikong kahublagan sa kasyudaran**

Sa pagpamuno sang Partido, madasig nga naglapta ang kalayo sang bag-o nga demokratiko nga rebolusyon, labi na sa kasyudaran. Pila ka adlaw kag simana pa lang halin sang liwat gintukod ang Partido, ginpangunahan sang mga kadre kag katapu sini kag sang mga pungsodnon demokratiko nga aktibista ang malaparan nga propaganda-ahitasyon, pag-organisa kag pagmobilisa sang pumuluyo, pa-

ngunahon na ang mga pamatanon, estudyante, mamumugon kag imol sa syudad. Pagsulod sang 1970, nagahagunos na ang mga rali kag iban pa nga paghimakas sa mga karsadahon, eskwelahan, pabrikahan, komunidad, plasa kag iban pa nga lugar.

Isa sa mga nangin talalupangdon nga paghulag ang rali nga naglabot sa ginatawag “Labanan sa Mendiola.” Ang rali ginlunsar sadtong Enero 30, 1970 batuk sa plano ni Marcos nga magpabilin sa poder paagi sa pagbag-o sa reaksyunaryo nga konstitusyon. Pagkatapos nga mapaatras sila sang mga pulis sa pagrali sa atubang sang Kongreso, nagkadto ang linibo ka estudyante, mamumugon, imol sang syudad, mangunguma kag iban na sektor sa Mendiola. Ginharang kag ginatake sila sang mga pwersa sang militar kag pulis. Nagbato ang mga raliyista. Naglawig ini sang pila ka oras kag nakalabot tubtub sa gabi. Nabungkag lamang ang demonstrasyon pagkatapos madamo na ang mga raliyista ang napilasan kag ginaresto. Apang padayon ini nga nagserbi nga inspirasyon sa madamo pa nga rali sa Kamaynilaan kag bilog nga pungsod.

Sa madason nga duha ka bulan, halos kada simana may mga martsa kag demonstrasyon batuk sa rehimeng US-Marcos. Naglabot sa 50,000 tubtub 100,000 ang nagentra sa mga ini. Sa tion nga wala nagarali, ang gatos libo nga aktibista nagalunsar sang mga pagtuon, pagpukaw kag pag-organisa sa masa. Ang Kabataang Makabayan madasig nga nagsakop sa bilog nga pungsod. Madamuan nga nagtuhaw ang mga pungsodnon-demokratiko nga organisasyon masa sa nagkalainlain nga demokratiko nga sektor sang pumuluyo tubtub sa mga prubinsya. Nagserbi sila nga makinarya para ipanggas ang pungsodnon demokratiko nga rebolusyon kag wala nagakahubas ang bubon sang mga

kadre sang Partido, BHB kag rebolusyonaryong kahublagan.

### **Pagpapanaog sang layi militar kag pagbato sang pumuluyo**

Tuman nga nahadlok si Marcos sa nagahagunos nga mga aksyon-protesta, sa pagdaku sang mga demokratiko nga organisasyon masa sa kasyudaran kag pagbaskog sang armado nga rebolusyonaryo nga kahublagan sa kaumhan. Sa tuyo nga matapna ang mga ini kag hatagan-rason ang pagpapanaog sang lubos nga layi militar, ginpalukpan niya sang mga granada ang miting de abanse sang oposisyunista nga Liberal Party sa Plaza Miranda sadtong Agosto 21, 1971. Gilayon niya nga ginpasibangdan ang Partido Komunista kag ginsuspinde ang *writ of habeas corpus*. Gilayon man nga ginpareyd ni Marcos ang mga hedkwarters sang mga demokratiko nga organisasyon masa kag ginpaaresto ang mga lider kag mga naabutan nga myembro sang mga ini.

Dalayon nga ginpapanaog ni Marcos ang layi militar sadtong Setyembre 21, 1972, isa ka tikang nga ginabilang sang Partido nga patimaan sang pagluya kag desperasyon sang rehimeng US-Marcos kag bilog nga nagaharing sistema kag sang wala ikasarang sini nga makagahum sa daan nga paagi. Labi nga nagsagsag ang krisis pangpulitika sa idalom sang hayag nga pasistang pagginahum. Labi nga nagpaborable ang kahimtangan para sa pagrebolusyon.

Ang malapad nga masa sang pumuluyo ang labi nga ginpaantos sa mga bunal sang pasista nga kontra-rebolusyon sang papet nga diktadurya. Masobra 95% sang mga biktima sang pasismo sang layi militar mga ordinaryo nga pumuluyo. Ginatos ka libo ang nabiktima sang direkta nga pisikal nga pagpang-abuso.

Gintapna ang mga basehan nga demokratikong kinamatarung. Gindumili ang mga organisasyong ma-

sa kag ang kritikal nga mga paha-yagan. Ginkuhaan ang mga mamumugon sang kinamatarung nga magwelga, ginbungkag ang mga pahayagan kag konseho sang mga estudyante kag gintapna ang kinamatarung sang pumuluyo nga organisahon ang kaugalingon. Ang mga demokratiko nga organisasyon naghulag kag nagbato sa paagi nga tago. Madamo ang nagkadto sa kaumhan agud mag-entra sa armadong rebolusyon. Sa pagsara ni Marcos sang mga hilway nga pahayagan kag nagpaguwa na lang sang maki-diktadurya nga pahayagan, nagbuligay ang mga rebolusyonaryong mamahayag sa pagpaguwa kag pagpalapnag sang *Balita ng Malayang Pilipinas*. Naglapnag ang madamo pa nga likom nga pahayagan nga kritikal sa pasistang diktadurya. Nag-uswag pa sa masunod nga inadlaw ang mga hayag kag ligal nga paagi sang pag-organisa kag pagbato sa diktadurya.

Labi nga naglapad kag nagpintas ang banggianay sa kubay sang mga reaksyunaryo. Gindula sang pasistang diktador nga si Marcos ang sadto relatibo matawhay nga pagbahin-bahin sang poder kag resorsa sang lain-lain nga paksyon sang nagaharing sahi. Ginpahigad na niya ang halos tanan nga pagpakuno-kuno. Ginbungkag niya ang mga institusyon sang demokrasyang burgis. Ginpwersa niya kag ginaagawan sang manggad ang iya mga karibal sa pulitika kag ginsarhan niya ang tanan nga matawhay nga alagyan para ma-kaambit sila sa poder pangpulitika.

Sa atubang sang hayag nga pasistang pagginahum, wala sang iban nga madangpan ang pumuluyo kag iban pa nga oposisyon sa pasista nga diktadurya kundi ang magbato. Halin sa mga papugtakupgtak nga paglapta sang mga polyeto kag mga kilat nga rali sa matawo nga karsadahon, plasa, balingyaan sa una duha ka tuig sang

diktadurya, nagsugod sa magagmay kag lapta-lapta tubtub nangin dalagku kag dramatiko ang mga organisado nga hublag-protesta kag hayagan nga pag-organisa kag pagsuway sa pasistang diktadurya.

Sa idalom sang pasista nga diktadurya, nagdamo kag madasig nga naglapad ang mga likom nga rebolusyonaryo nga organisasyong masa sa lain-lain nga sektor sang pumuluyo sa pagpamuno sang Partido. Sadtong Abril 24, 1973, gintukod ang National Democratic Front, isa ka alyansa nga organisasyon nga ginalakipan sang Partido Komunista sang Pilipinas, Bag-ong Hangaway sang Banwa kag lain-lain nga tago nga rebolusyonaryong organisasyong masa.

Naglapok ang welga sang mga mamumugon sa Distileria La Tondeña sadtong 1974 ng nagsuway sa pagdumili nga magwelga. Gindunganan ini sang daku nga pagtilipon sa simbahan sang Binondo kag martsa sang mga nagtipon didto para magsuporta sa welga. Naglapnag sa mga masunod nga bulan ang mga welga nga naglab-ot sa 300 empresa sa bilog nga pungsod. sa mga komunidad sang mga imol sa sydudad, naglunsar sang mga protesta batuk sa mga pagpangsona sang militar kag pulisya.

Sadtong 1977, naglapnag ang mga hublag-protesta sang mga estudyante batuk sa pagtinaas sang matrikula kag para ipamilit ang ila mga demokratikong kinamatarung lakip ang pagpabalik sang mga konseho kag pahayagan sang mga estudyante. Pagkagab-i sang eleksyon para sa Interim Batasang Pambansa sadtong Abril 6, 1978 nga sigurado nga baraghal nga pagadayaon ni Marcos, naglanog ang malaparan nga *noise barrage*. Nagbuhos sa halos tanan nga karsada ang minilyon nga pumuluyo sa bilog nga Metro Manila.

Sadtong dekada 1980, labi nga nagsulong ang kahublagan protesta

sa Metro Manila kag iban pa nga syudad sa bilog nga pungsod. Naglapnag ang anti-imperyalista, matuod kag progresibo nga unyonismo nga lubos nga nagasulong sang mga militante nga pang-ekonomya kag pangpulitika nga paghimakas sang mga mamumugon. Naglapnag ang patriyotiko, demokratiko kag progresibo nga kahublagan sang pamatan-on kag mga estudyante nga nagasulong sang mga demokratikong reporma kag sang ila antipasista, antipyudal kag anti-imperyalistang propaganda.

Nagpagsik pati ang mga hayag nga paghulag sang mga mangunguma lunsay sa kaumhan kag sa kabanwahanan kag kasyudaran. Sa pihak sang pagmasaker sang pila nga nagpasakop sa dalagku nga martsa-rali sa Daet, Camarines Norte sadtong 1981, padayon nga naghiwat sang kapareho nga mga paghulag ang mga mangunguma.

Naglapnag ang mga hayag nga pahayagan pareho sang *Signs of the Times* kag *We Forum*, nga maisog nga nagapakamalaut sa pasista nga diktadurya kag nagapaguwa sang matuod nga mga balita. Halin sang patyon sang mga tinawo ni Marcos ang nagapanguna nga burgis nga oposisyunistang si Ninoy Aquino sadtong Agosto 1983 tubtub sa pagkapukan ni Marcos sadtong Pebrero 1986, naglapok ang wala untat nga maisog kag nagapadaku nga mga hublag-protesta sang pumuluyo batuk sa pasistang diktadurya. Ang mga paghulag nga ini naglab-ot sa putuk-putukan sadtong Pebrero 22-25, 1986 kag dalayon nga nagpapukan sa pasistang diktadurya.

Labi nga nagbaskog kag naglapad ang Partido kag armado nga rebolusyonaryong kahublagan sa atubang sang mga atake kag kahayupan sang pasista nga diktaduryang Marcos. Ang pasista nga diktadurya amo ang nagaguwa nga pinakadaku nga rekruter sang BHB. Sa baylo nga makapatuman sang "katawhayan kag

kalinungan," labi lamang sini nga ginagatungan ang kalayo sang armado nga pagbato.

Sadtong 1977, may ara lamang 1,000 mabaskog nga riple ang BHB. Sadtong 1979, nagsunson kag naglapad ang mga platoon-kadaku nga taktikal nga opensiba sang hangaway sang banwa. Ang kumpanya-kadaku nga mga taktikal nga opensiba nga ginsuguran nga ilunsar sa pila ka rehiyon sadtong 1981 naglapnagon sadtong 1983 kag nakapadamo sang mabaskog nga riple sang BHB pakadto sa 5,000.

Mapagsik kag malapad nga ginasabat sang mga kadre kag aktibista nga indi na makahulag sang hayag sa kasyudaran ang panawagan sang Partido nga magkadto sa mga sona kag prenteng gerilya kag magpasakop sa armadong paghimakas sa kaumahan. Kon sa diin wala pa sang mga sonang gerilya, aktibo kag matinugahon sila nga naga-inisyatiba sa pagtukod sang mga ini sandig sa pangkabilugan nga direktiba sang Partido.

Sa Mindanao, ang mga pagpang-abuso kag kapintas sang pasista nga diktaduryang Marcos amo man ang nagagatong sa armadong paghimakas sang Bangsamoro batuk sa pungsodnon nga pagpamigos kag para sa pagdesisyon sa kaugalingon. Nagahiliusa ang rebolusyonaryong pwersa sa pagpamuno sang Partido kag mga rebolusyonaryong pwersa sang Bangsamoro sa pagbato sa komun nga kaaway. Nagserbi ang paghimakas sang Bangsamoro nga indirekta nga suporta sa rebolusyonaryo nga armadong paghimakas sang BHB bangud ginahigop sini ang dalagku nga pwersa sang AFP kag ginhalugan ang daku nga bahin sang pungsod para sa pagpalapad sang Pulang hangaway.

AB

## Tatlo ka pangunahon nga sinulatan ni Kaupod Amado Guerrero



**L**akip sa pinakaimportante nga dokumento sang Partido Komunista sang Pilipinas amo ang tatlo ka pangunahon nga sinulatan ni Kaupod Amado Guerrero (ngalan sa paghimakas ni Kaupod Jose Ma. Sison), Tagapangulo sang Komite Sentral sadtong 1968-1977. Ini ang libro nga *Katilingban kag Rebolusyon nga Pilipino* (KRP), "Mga Partikular na Kinaiya sang Inaway Banwa," kag "Ang Gilayon naton nga mga Tulungdan."

Indi mahimutig ang nangin daku nga kontribusyon sang mga sinulatan sini sa panahon sang pagpundar sang PKP kag pagpasulong sang armadong rebolusyon halin sa panahon sang pagkalamharon sini tubtub sa subong. Luwas sa Ingles kag Pilipino, ang mga sinulatan nga ini ginsalhin man sa tanan nga mayor nga lenggwahe sa Pilipinas kag pila pa sa dumuluong nga lenggwahe.

Ang tatlo ka sinulatan nga ini ni Kaupod Amado Guerrero padayon nga nagaserbi nga pangunahon nga mga talamdan sang mga kadre kag katapu sang PKP, mga Pulang hangaway kag ginatos ka libo nga aktibista, labi na sa una nga tinuig sang bag-ong tukod nga Partido kag pagpasikad sang pungsodnon demokratikong rebolusyon.

Sadtong Ikaduha nga Dunggaon nga Kahublagan Panadlong (1992-1998), daku ang nabulig sang pagrebyu sa mga sinulatan nga ini

agud maathagan ang kinahanglanon nga pagsikway sa magkatuwang nga "Wala" kag Tuo nga oportunistang linya nga nagbunga sang pagkadto sa adelantado nga regularisasyon, ad-benturismo militar kag insureksyunismong urban sa isa ka bahin, kag parlamentarismo, repormismo kag NGOismo sa isa ka bahin, nga lunsay naghalit sa rebolusyonaryong kahublagan sadtong daku nga bahin sang dekada 1980.

Ang KRP ang masanag nga halimbawa sang makasahi nga analisis sa pagtuon sang kasaysayan kag kinaiya sang katilingban nga Pilipino. Madalom nga ginanalisa sini sa pangkabilugan kag partikular nga materyal nga kundisyon sang katilingban kag rebolusyon sa pungsod. Ginapahibalo sang KRP sa mga bumalasa kag mga tumuluon ang prinsipyadong aplikasyon sang Marxismo-Leninismo sa kongkreto nga kahimtangan sang katilingban kag re-

bolusyon nga Pilipino.

Minilyon nga Pilipino ang gindala sini sa kasanag halin sa kadulom sang imperyalista kag reaksiyunaryo nga pagpangtorse sa kasaysayan. Sa mga una nga tuig pa lang sang paguwa sini, nagserbi nga ubay ini sa pagpukaw sa linibo nga aktibista kag nagbuyok sa kapagsik nila sa pagpasulong sang duha-ka-halintang nga rebolusyon sa Pilipinas. Padayon ini nga ginagamit nga talamdan sang mga bag-o nga aktibista sa ila panugod nga pagtuon sa kasaysayan kag katilingban. Ang KRP ang gingamit nga sandigan nga balayon sa paghimo sang iban pa nga kurso sang Pungsodnon-Demokratikong Iskwelahan.

Ang manuskrito sang KRP una nga naguwa bilang *Philippine Crisis and Revolution* sadtong katapusan sang dekada 1960 bilang serye sang mga artikulo sa pila ka pahayagan sang mga estudyante (sa *Philippine Collegian* sang University of the Philippines sa Diliman kag sa *The Guidon* sang Ateneo de Manila University). Ang una nga bug-os nga kopya sini ginpublisar sang Rebolusyonaryo nga Iskwelahan Mao Tse-Tung sadtong 1970. Ginpadamo lunsay ang Pilipino kag Ingles nga bersyon sini nga ginbalhag paagi sa mga makina nga pangmimyograp kag demano nga *v-type*.

Una nga ginbalhag ini sang madamuan sa isa ka daku nga imprentahan sa Hongkong sadtong 1971 kag liwat sadtong 1972 kag madamuan man nga ginpasulod sa Pilipinas. Pamatuod sang nagapadayon nga importansya sang mga sinulatan nga ini, liwat nga ginbalhag ang mga ini bilang libro sang International Association of Filipino Patriots (IAFP) sa Oakland, USA. Ang ikatlo (1979) kag ang ikaapat (1996) nga edisyon sini may gamay lang nga mga rebisyon kag nakalakip na ang "Mga Partikular nga Kinaiya sang Inaway Banwa sa Pilipinas" kag ang "Ang Gilayon naton nga mga Tulung-

dan." Sa ikalima nga kahigayunan, liwat ini nga ginbalhag sang Aklat ng Bayan sadtong 2006. May ginpaguwa man nga mga komiks nga bersyon sini.

Naguwa man sadtong Disyembre 1, 1974 ang "Mga Partikular nga Kinaiya sang Inaway Banwa sa Pilipinas" (MPKIBP) pagkatapos sumahon sang Komite Sentral sang PKP ang mga una nga tuig sang pagpasulong sang armado nga rebolusyon halin 1969. Gin-unod sini ang madaluman nga paglapat sang mga pangkabilugan nga rebolusyonaryo nga prinsipyo kag mga kadalagan sang mga rebolusyon sa mga partikular nga kahimtangan sang pungsod Pilipinas kag sa kaugalingon nga inagihan sa pila ka tuig nga pagpasulong sang bag-o nga demokratiko nga rebolusyon sa idalom sang pagpamuno sang bag-ong tukod nga PKP.

Gin-athag sa sinulatan nga ang bag-o nga demokratikong rebolusyon pagpadayon sang demokratiko nga rebolusyon pero sa balayon na sang proletaryo-sosyalista nga rebolusyon nga nagtuhaw umpisa sadtong una nga imperyalistang gera sa kalibutan kag pagdaog sang dungganon nga sosyalista nga Rebolusyong Oktubre. Ginlatag sini ang estratehiya kag taktika sa paglunsar sang rebolusyonaryong gera sa kahimtangan sang malapad nga kaumhan sa isa ka malakolonyal kag malapyudal nga pungsod nga mapatuman lamang paagi sa estratehikong linya sang malawigan nga inaway banwa.

Bangud nagaumpisa ang mga rebolusyonaryong pwersa nga gamay kag amat-amat nga nagapabaskog, kinahanglan maglunsar sang inaway gerilya nga may desentralisado nga operasyon sa idalom sang sentralisado nga pamunuan sa relatibo nakalapta kag nagasaylo-saylo nga armadong pwersa, samtang pulu-panahon nga nagakinahanglan man sang relatibong konsentrasyon sang daku nga pwersa agud palibutan kag salakayon ang relatibo gamay kag sa-

rang mapapas nga nakalapta nga pwersa sang kaaway.

Natay-og na sang kalalaon sang krisis ang nagaharing sistema pangpulitika kag indi na sini sarang nga maghari sa daan nga paagi gani nagakambyo ini sa sa hayagan nga pasista nga pagginahum. Sa idalom sang pasista nga pagmahog naakig gid katama ang malapad nga masa sang pumuluyo kag aktibo nga ginasuportahan ang pagpasulong sang inaway banwa para pukanon ang garuk kag patibusok na nga pagginahum. Bangud ginagamhan ang pungsod sang isa ka imperyalistang gahum, daku ang importansya sang pagpabaskog sang anti-imperyalista nga paghimakas, pati na ang pagkuha sang malapad nga suporta halin sa luwas sang pungsod nga nagsimpatiya sa rebolusyon nga Pilipino.

Halin sa mga gintudlo sini, ginpakita sa bilog nga kalibutan sang rebolusyonaryong kahublagan sa Pilipinas nga posible makalunsar sang inaway banwa sa mabukid nga pulupulo nga pungsod nga mabaskog nga ginadominahan sang isahanon nga imperyalistang gahum kag nakatatubang sa pinakatuso kag pasista nga papet nga mga pwersa sang kaaway.

Sa pagpatuman sang nakuha nga mga leksyon kag pag-ani sang mga kadalagan halin diri, madasigan nga naglapta ang mga kadre sang PKP kag BHB sa daan nga siyam nga rehiyon kag baynte pa lang ka mga prenteng gerilya, sakop ang mga mayor nga isla sang Luzon, Samar, Panay, Negros kag Mindanao. Sa subong, may masobra na 120 prenteng gerilya ang rebolusyonaryo nga kahublagan nga nakalatag sa 15 sang 16 ka rehiyon sa Pilipinas.

Ginpaguwa sang Komite Sentral ang Ang Gilayon naton nga mga Tulungdan sadtong Mayo 1976 base sa ginhimo nga pagsuma sang komite sadtong Disyembre 1975. Ginpublisar ini sa *Rebolusyon*, ang teoritiko



# Ang Ikaduha nga Dungganon nga Kahublagan Panadlong

**M**asiling nga sadtong 1976 nakalampuwat na sa “pagkalamharon” ang bilog nga Partido, BHB kag bilog nga rebolusyonaryo nga kahublagan. Ang mga ini ginapakita sang sige-sige, madasig kag dalagku nga pagsulong tubtub mga 1983. Bunga ini sang husto kag malig-on nga pundasyon nga gin-uyatan umpisa sadtong liwat nga pagtukod sang Partido. Ang Partido boluntad nga nagpanadlong sa kaugalingon para mapunggan kag indi masulit ang mga kapaslawan kag para mag-angkon sang sige-sige kag dugang pa nga mga kadalag-an.

Sa proseso sang sige-sige nga pagtuon, hugot nga pag-uyat sa prinsipyo, maayo kag pleksible nga pagdapat sa praktika, regular nga pagtasa kag pagsuma, kag pagsaway kag pagsaway-sa-kaugalingon, may nakita nga mga pagsayup sa taktika kag kahinaan sa praktika nga temprano kag maayo nga natadlong. Nagpursiger ang mga rebolusyonaryo nga pwersa sa husto nga linya sa tunga sang labi nga pagbato sang pumuluyo sa diktaduryang Marcos kag

sang madasig nga paglala sang krisis kag mga kontradiksyon sang naghari nga sistema.

Apang kadungan sang madasig nga pagsulong nga ini, nagpursiger nga magpalapnag ang pila ka nagapamuno nga kadre sang mga sala nga ideya kag mga paglihis sa linya pang-ideolohiya, pangpulitika, pangmilitar kag pang-organisasyon. Bangud sa ila sobra nga pagkataka kag paghandum sang madasigan nga kadalag-an, gintuga nila



nga dyurnal sang PKP, sadtong Hunyo 1, 1976. Ginsuma sini ang praktika sang rebolusyonaryo nga paghimakas antes pa ang pagpanaog sa pungsod sang pasista nga diktaduryang US-Marcos tubtub sa una nga tuig sang layi militar. Gintumod sini ang malahalona nga hilikuton nga dapat tungdan sang tanan nga rebolusyonaryo nga pwersa agud mapadaog ang paghimakas batuk sa diktaduryang US-Marcos kag mapasulong ang bag-o nga demokratikong rebolusyon.

Nagserbi ini bilang dokumento sa pagtadlong sa nasuma na nga mga kasaypanan kag kahinaan sa nagligad. Tampok diri ang pagsaway sa tendensya sang manabaw nga pag-organisa sa katuyuan nga madasig nga makapalapad, kag ang madalom pero masyado nga makitid nga pag-organisa. Gin-athag ang husto nga paagi sang pag-organisa sa masa kon sa diin nasiguro nga ini ma-

katigayon sang malaparan kag madaluman, sa pinakamadasig pero mahalong nga pamaagi. Nag-angkon sang pinasahi nga importansya ini sa paghatag sang mga pratikal nga ubay sa matag-adlaw nga paghulag sang mga katapu sang Partido, mga Pulang hangaway sa kaumhan kag mga aktibista lunsay sa kaumhan kag kasyudaran. Indi madula *Ang Gilayon naton nga mga Tulungdan* nga ila pirme nga dala-dala labi na sa maathag kag detalyado ang pagplastar sini sa hulu-halintang nga pamaagi sang pag-organisa sa masa, halin sa umpisa tubtub sa pagtukod sang mga organo sang gahum pangpulitika.

Indi maayuan ang kahustuhan sang ginbalay nga mga tulungdan sa *Ang Gilayon naton nga mga Tulungdan*. Sa ubay sini, naangkon ang dalagku nga pagsulong halin sa ulihi nga bahin sang dekada 1970 sa pagtukod kag pagpabaskog sang Partido; pagpasulong sang armadong

paghimakas; pagtukod sang rebolusyonaryong base; paglunsar sang reporma sa duta; kag pagpapagsik sang rebolusyonaryo nga kahublagan sa kaumhan kag kasyudaran.

Aktibo nga napasulong sang lain-lain nga porma sang pagbato sa diktaduryang US-Marcos. Sa amo man, daku ang mga naangkon sa pagtukod sang malapad nga nagahiliugyong prente nga antipasista, antipyudal kag anti-imperyalista sa pagpamuno sang proletaryado kag sa pundasyon sang basehang alyansa sang sahing mamumugon kag mangunguma nga ginatungtungan sang progresibong alyansa upod ang petiburgesya sa syudad, positibong alyansa upod ang pungsodnon nga burgesyia kag taktikal nga alyansa bunga sang paghingalit sa banggiyanay sa kubay sang mga reaksyunaryo. Daku man ang mga naangkon sa pag-angot sang rebolusyonang Pilipino sa rebolusyon pangkalibutanon. **AB**



ang malala nga kasaypanan kag ginduso ang magtuwang nga “Wala” kag Tuo nga oportunistang linya. Humalin sadtong umpisa sang dekada 1980, ginbalay ang programa sang “estrategiko nga kontra-opensiba” nga naglihis sa estratehiya kag mga taktika sang malawigan nga inaway banwa kag nagdulot sang dalagku nga kahalitan. Pagkatapos makaagi sa mga kapaslawan, padayon nga nagkambyo pati ang mga “Wala” nga oportunista sa Tuo kag nagpalapnag sang linya sang repormismo, kolaborasyonismo kag likidasyonismo.

Pinakamalala sa “Wala” nga oportunista nga linya ang ginhimo nga paghandum sang kumbinasyon sang adelantado nga “regularisasyon” sang hangaway kag armado nga insureksyunismo nga urban. Sa kaumhan, naglapnag ang mga himo nga adbenturista nga militar kag panan-awan nga puro militar. Sa kasayaran, naglapnag ang mga ideya kag aksyon nga putsista kag ang tudo-salig sa ispontanyong masa.

Sa hangaway sang banwa, adelantado nga gintukod ang mataas nga “regular” nga pormasyon kag mga andana sang kumand kag istap sang hangaway. Ginhimo ini nga wala sang kunsiderasyon sa kinahanglanon nga balanse kag angtanay sang pormasyon militar kag hilikuton masa. Sa sini, wala sa lugar nga nasipot ang mga kadre,

pwera kag mga rekursong material sang mga yunit nga nagadumala sa nagkalainlain nga porma sang hilikuton masa, hilikuton militar kag hilikuton partido sa lokalidad, nga nagbunga sang grabe nga pagkakulang sang mga ini sa tinawo, paghanas kag armas.

Naglapnag ang adbenturismo nga militar sa porma sang “pagbira sa mga matig-a nga pusisyon sang kaaway; mga opensiba nga taktikal nga padasu-daso ang pagkaplano kag masyado nga nagalawig, nagagasto sang sobra kadamo nga bala kag nagabunga sang madamo nga kaswalti (sa bahin sang hangaway sang banwa); kag mga aksyon militar nga wala lubos ginakonsiderar ang mahimo kag posible nga mga negatibo nga epekto sa pagtukod sang baseng masa, kaayuhan sang masa kag iban pa nga mga implikasyon nga pulitikal.”

Daku nga kahalitan ang gindulot sang mga ini. Bangud ginhigop ang mga kadre halin sa hilikuton masa, daku nga bahin sang mga prenteng gerilya ang nabilin nga wala sang epektibo nga armado nga yunit sang BHB sa malawig nga panahon. Nangin lubos nga bulnerable ang mga prenteng gerilya kag wala naglawig nag-igo ang mga bunal sang “pangkabilugan nga opensiba” sang AFP.

Ang mga kabilugan kag kahalitan nabatyagan sang rebolusyonaryo nga kahublagan umpisa sang 1984.

Sa amo nga sitwasyon, madasig nga nagkapyot ang sobra nga kahadlok sa kaaway kag isterya nga “anti-impilador” sadtong 1985-1987 nga naglab-ot sa mga pagsulundan kag hulag nga makawasak sa kaugalingon. Mabatyan sang Partido kag rebolusyonaryo nga kahublagan ang kahalitan nga dulot sini sa sulod sang pila pa ka tuig.

Umpisa 1987 tubtub 1990, nagbagsak sang halos 60% ang katapuan sang mga organisasyon masa, naggamay sang 16% ang isip sang baryo nga sakop sang mga prenteng gerilya kag nagnubo sang 15% ang katapuan sang Partido. Naglab-ot sa 28% ang gingamay sang kabilugan nga isip sang tinawo sang hangaway sang banwa, sa lebel nga mas manubo pa sangsa sadtong 1985. Daku nga isip sang mga kadre sa lebel prubinsya, prente kag distrito ang nadula kag wala dayon naislan.

Sadtong panahon nga ina, wala nadula ang masingki nga banggianay sang linya sa sulod sang Partido kag sa sentro sini. Sa isa ka bahin, gingamit sang pila ka oportunista ang ila nagapamuno nga pusisyon para palapnagon ang mga kasaypanan kag ilihis ang bilog nga rebolusyonaryo nga kahublagan halin sa husto nga dalan. Sa pihak nga bahin, padayon nga ginauyatan sang mas madamo nga proletaryo nga rebolusyonaryo sa pamunuan kag lainlain nga lebel sang Partido ang Marxismo-Leninismo-Maoismo kag mga sandigan nga prinsipyo sang Partido. Padayon sila nga nagapagwa sang mga komentaryo, pag-usisa kag pagsaway sa mga naobserbahan kag ginasigahum nila nga kasaypanan kag paglihis.

Kalakip sa mga tampad kag determinado nga proletaryo nga rebolusyonaryo nga nag-atubang sang pinakamatalom nga kritisismo si Kaupod Sison. Napaabot niya ang iya mga obserbasyon bisan sadto sa sulod pa siya sang bilangguan

(nabilanggo siya sadtong 1977-1986). Apang wala na siya ginpahangugutan nga makauli nga libre sa Pilipinas pagkatapos ginhimo ang serye sang mga lektura sa luwas sang pungsod sadtong 1987, nagpursige siya sa pagpagwa sang mga kritisismo ginasalaming sa pahayag nga ginpagwa sang Komite Sentral sa ika-20 anibersaryo sang PKP sadtong Disyembre 26, 1988. Ang kahublagan pagpanadlong masiling nga panugod nga naumpisahan na sadto.

Bangud sa kadamo sang mga nakakulong nga nagapamuno nga kaupod kag malala nga mga kahalitan sa organisasyon sang Partido bunga sang mga kasaypanan, nakalab-ot sang pila ka tuig antes desaysibo nga nabanggi ang mga ini. Sadto nga katapusan sang 1992 nahiwat ang ika-10 plenum sang Komite Sentral kon sa diin ginsuma ang mga inagihan sadtong 1981-1992. Gingamit nga ubay sa pagsuma ang nauna nga ginplatar nga borador sang pagpanadlong. Ginpadalom kag ginpamanggad pa ang borador nga ini sa pagsuma sang mga inagihan.

Matalom, lubos kag desaysibo nga gintumod sa plenum ang mga kasaypanan kag nagakinahanglan sang dalagkuan nga pagtadlong kag pagsaway-sa-kaugalingon sang bilog nga Partido sa atubang sang malala nga pagsayop pang-ideolohiya, pangpulitika kag pang-organisasyon nga nagtuga sang mayor nga mga pag-atras.

Ginlunsar sang plenum ang Ika-duha nga Dungganon nga Kahublagan sa Panadlong (IDKP) kag ginpagwa ang importante nga dokumento nga nagserbi nga ubay diri. Sa pangunahon kag sa esensya, ang kahublagan sa papanadlong isa ka kahublagan sang pagtuon sa mga sandigan nga prinsipyo kag pagsuma sang mga inagihan para tumuron kag tadtungon ang mayor nga mga pagsayop kag pagkulang

sa nagkalain-lain nga lebel kag organisasyon sang Partido. Katuyuan sini nga pabaskugon ang panindugan nga proletaryo nga rebolusyonaryo sang mga kadre kag katapu sang Partido kag hatagan sila sang inspirasyon nga mas epektibo nga magtinguha kag maghimakas para malab-ot ang sunod-sunod kag nagadaku nga mga rebolusyonaryo nga kadalag-an.

Pangunahon sa mga dokumento nga ginbun-ag ang "Liwat palig-unon ang aton nga mga sandigan nga prinsipyo kag tadtungon ang mga kasaypanan" nga siya ang nagserbi nga pangunahon nga ubay sa pagsulong sang kahublagan pagpanadlong.

Gintumod sa "Liwat palig-unon" ang "mga konsepto sang pagsulong nga nagalihis sa mga sandigan nga prinsipyo kag sa teorya kag linya sa inaway banwa, nagalupad palayo sa mga kongkreto nga kondisyon kag aktwal nga kusog sang mga rebolusyonaryo nga pwersa, soba nga pagdali, kag naghandum manglaktod sa mga halintang nga kinahanglan maagyan sa pagsulong sang rebolusyon."

Ginsikway ang pagtinguha nga ilihis ang Partido kag rebolusyonaryo nga kahublagan sa linya sang malawigan nga inaway banwa paagi sa pagkwestyon sa paganalisa sa katilingban nga Pilipino bilang malakolonyal kag malapyudal kag pagpabutyag nga ini nangin industriyalisado ukon kapitalista na. Gintumod sa partikular nga sala kag mapaniplang ang panan-awan nga magdayaw kay Marcos sa pagpatuman sang kauswagan pang-industriya kag reporma sa duta.

Ginsaway kag ginsikway man ang sala nga linya nga ang paghimakas para sa pungsodnon nga kahilwayan daan na base sa sala kag traidor nga ideya nga sa idalom sang globalisasyon sang "hilway nga balaligyaan," ang halambalanon sang pungsodnon nga soberanya nga nabale-wala kuno sa pagtuhaw sang



isa ka bugana nga ekonomya sang pangkalibutanon nga wala sang mga pungsodnon nga katapusan.

Suno pa sa "Liwat Palig-unon":

Paagi sa Ikaduha nga Dungganon nga Kahublagan sa Panadlong, napangibabawan natin indi lang ang mga "Wala" nga oportunista nga kasaypanan kundi amo man ang mapangwasak nga mga epekto sang maduguon nga krimen sang pinakamalala nga "Wala" nga oportunista nga nangdabuk sang isterya nga anti-impormer para hatagan sang rason ang kapaslawan sang ila sala nga linya bilang kahimuan sang mga "deep penetration agent."

Napangibabawan naton indi lamang ang mga Tuo nga oportunista nga kasaypanan kundi amo man ang mga padihut sang mga Tuo nga oportunista para likidahon ang Partido, magsurender sa kaaway kag magpalapnag sang repormismo kag oportunismo. Nawasak tani sang mga kontra-rebolusyonaryo ang Partido kag ang bilog nga rebolusyonaryo nga kahublagan kon indi bangud sa kahublagan sa pagpanadlong nga ginlunsar sang Komite Sentral sadtong 1992.

Sa aton pang-ideolohiya kag pangpulitika nga pagpakigbanggi sa mga traidor nga nagwakal sang nagsilimpon nga hayagan nga burges nga liberalismo, Gorbachovista nga rebisyonismo kag Trotskiyista nga rebolusyonismo nga petiburges, ang aton Partido nakapalig-on sa ideolohiya kag ginkilala bilang solo nga tagapangapin sang sosyalistang handum kag huwaran nga lider kag tagapangapin sang pungsodnon nga kahilwayan

kag demokrasya.

May pila ka oportunista nga nagbalibad nga magkilala sa naningin mga kasaypanan kag pada-yon na nga nagkambyo sa pagbato sa Partido. Pila sa ila dalayon na nga naghalin sa Partido kag rebolusyonaryo nga kahublagan, kag sa proseso nagtinguha nga dalhon ang mga bahin sang organisasyon, mga Pulang hangaway kag ila mga armas. Napaslawan sa daku nga bahin ang mga pagtinguha nga ini. May pila sa ila nga dalayon nga nagtraidor kag naglunsar sang mabaskog nga atake sa Partido.

Si Kaupod Sison kabahin sa nagapanguna nga ginsentruhan sang ila mga atake bangud sa ginarepresentar niya nga linya kag pagtinguha niya halin sa gwa sang pungsod nga palapnagon kag sakdagon ang Marxismo-Leninismo-Maoismo kag ang mga sandigan nga prinsipyo sang PKP.

Ang labi nga madamo nga kadre kag pwersa sang Partido, hangaway sang banwa kag rebolusyonaryo nga kahublagan tampad nga nagakilala sa husto nga linya, mapainubuson nga nagpanadlong sa naningin bahin nila sa mga kasaypanan kag aktibo nga nagsulong sang kampanya sang pagpanadlong sa ila nga sakop.

Naglawig sang sobra sa ginalauman ang kahublagan sa pagpanadlong bangud sa naningin mabaskog kag sige-sige nga atake sang mga nagtraidor kag pagpamatuk nga magbag-o. Nagakinahanglan nga kuhaon ang madalom nga pagpanggamot sang mga kasaypanan kag kahi-naan. Makaligad ang anom ka tuig, natumod ang tanan-nga-bahin nga pagsulong kag paglig-on sang Partido kag rebolusyonaryo nga kahublagan, kag gindeklarar nga makasaysayan nga kadalagan ang kahublagan sa panadlong. AB

## Jose Ma. Sison: Ubay sang Rebolusyon nga Pilipino



**T**uman ka daku sang papel nga gintungdan ni Kaupod Jose Ma. Sison sa klaripikasyon sang mga teoritikal kag praktikal nga halambalanon nga gin-atubang sang rebolusyonaryo nga kahublagan sa Pilipinas. Ang mga pag-athag ni Kaupod Sison ang nagserbi nga iwag kag inspirasyon sa paghulag sang mga rebolusyonaryong aktibista halin pa sadtong dekada 1960 tuhtub subong.

Ginsaulog sini lang sang mga rebolusyonaryo nga pwersa ang masobra 50 tuig nga pag-alagad ni Kaupod Sison sa pagsulong sang interes sang proletaryado kag pumuluyo nga Pilipino. Ang iya kabuhi kag mga kontribusyon ang nagserbi nga ubay kag inspirasyon sa ginatos ka libo nga mga katapu sang PKP kag pungsodnon demokratiko nga aktibista kag minilyon nga rebolusyonaryong masa.

Bilang bataon nga komunista, ginpangunahan ni Kaupod Sison ang kahublagan pagtuon sa Marxismo-Leninismo-Maoismo sadtong katapusan nga dekada 1950 sa kubay sang mga intelektwal. Napatuhaw halin sa ila nga kubay ang mga proletaryo nga rebolusyonaryo nga nagpundar sang militante nga kahublagan estudyante, kag nagentra kag napapagsik ang kahublagan sang mamumugon nga may maathag nga kinaiya nga pungsod-

non demokratiko.

Ang libro nga *Struggle for National Democracy (SND ukon Makibaka para sa Pambansang Demokrasya)* ang una nga naguwa nga koleksyon sang mga artikulo kag pamulong-pulong sa lain-lain nga importante nga gintambungan nga porum ni Kaupod Sison sadtong dekada 1960 tuhtub sa panahon sang pagbalhag sang libro sadtong 1967. Natalupangdan sang mga aktibistang masa nga epektibo nga pamaagi ini sa pagrek-luta para sa pungsudnon demokrati-kong kahublagan masa. Sa kadamo sang mga aktibistang masa nga ngayo sang kopya sini, madamuan nga ginbalhag ini sang Amado V. Hernandez Foundation kag College Editors' Guild of the Philippines (CEGP).

Ginhatagan tum-ok sang libro ang pagpaintindi sa subong nga halintang sang rebolusyon nga Pilipino bilang "bag-ong tipo sang

pungsodnon demokratikong rebolusyon nga pagpadayon sang Rebolusyon 1896 apang... sa mas abanse nga pamaagi," nga suno kay Kaupod Sison, wala na sa pagpamuno sang burgesya kundi ara na sa pagpamuno sang sahi nga mamumugon, ang pinakaabanse nga sahi sa panahon sang imperyalismo kag pagkadugmok sang kapitalismo.

Labi na kag ang madamo nga artikulo kag pamulong-pulong nga nabalhag sa *SND* nakasentro sa ila, naganyat ang mga kaisipan sang ginatos ka libo nga mamumugon, mangunguma, paman-on-estudyante, kababainhan, intelektwal, patriyotiko kag demokratikong Pilipino.

Bilang pangulo nga tagapundar sang PKP, gingamit ni Kaupod Sison ang ngalan sa paghimakas nga Amado Guerrero sa pagsulat sa mga libro, dokumento kag sanaysay. Kalakip sa ginpangunahan niya nga ginhanda amo ang mga sandigan nga dokumento pareho sang Konstitusyon sang PKP, Programa para sa Demokratiko nga Rebolusyon sang Banwa, kag ang Mga Pagsulundan sang Bag-ong Hanga-way sang Banwa.

Nadakop sang kaaway si Kaupod Sison kag iya nga asawa nga si Juliet de Lima sadtong 1977. Ginkulong siya tubtub 1986. Samtang, napadaog sang kahublagan masa sadtong 1981 nga ipakig-away ang pagpahilway kay Ka Julie nga sadto bag-o nagbata sa ila nga kamanghuran nga anak.

Paagi sa ila pagbayluhanay, nahimo ni Kaupod Sison nga masubaybayan ang mga hitabo sa katilingban, pungsodnon nga pulitika kag padayon nga pagsulong sang rebolusyon kag mga talalupangdon nga teoritiko nga halambalanon nga gin-atubang sang Partido kag rebolusyonaryong kahublagan.

Isa diri ang pag-analisa sa pangpulitika nga ekonomiya sang pungsod. Samtang nagalawig sa idalom sang paghari sang imperya-

lismo kag papet nga reaksyunaryong sistema, ang ekonomiya pangkatilingban sang Pilipinas labi pa nga nangin atrasado, agraryo, indi industriyalisado kag malapyudal kag labi nga ginabayo sang krisis nga indi malubad-lubad. Ginatabunan ini sadto ni Marcos paagi sa dalagkuan nga pautang halin sa mga imperyalista nga bangko, pagtukod sang 11 mayor nga proyekto nga industriyal kag pagpatuman sang mga programa para sa pagpabaskog sang produksyon agrikultural pareho sang ginatawag nga "Masagana 99."

May pila nga nagapamuno nga kadre nga nagduso sang pag-analisa nga indi na malapyudal ang sistema sa Pilipinas, kag ini naga-industriyalisa na, nangin urbanisado kag nagauswag na pakadto sa kapitalismo. Kaangot sini, ginsumite sadtong 1981 sa Buru Pangpulitika sang Komite Sentral ang isa ka proposisyon nga pagkategorisa sang ekonomiya sa Pilipinas bilang malakolonyal, malapyudal kag "malakapitalista." Wala ini gin-aprubahan sang Buru Pangpulitika. Bisan pa man, wala sini lubos nga ginsikway ang proposisyon kag ginbilin nga indi lubos nga resolbado ang halambalanon. Ang kapaslawan nga desaysibo nga resolbahon ini naghatag-dalan sa pagbuhi sang pila sa linya sang pungsodnon demokratikong rebolusyon sang banwa kag sa estratehiya sang malawigan nga inaway banwa kag pagpalibot sang kasyudaran halin sa kaumhan.

Para magbulig sa pag-athag sa halambalanon nga ini, sadtong 1983 ginpaguwa ni Ka Julie ang "Si Jose Ma. Sison Bahin sa Moda sang Produksyon," isa ka sanaysay sa porma sang mga pamangkot kag sabat, kon sa diin desaysibo nga gin-athag ni Kaupod Sison kon pano nagapabilin nga malapyudal, atrasado kag indi industriyal ang ekonomiya sa Pilipinas. Desaysibo nga ginsikway niya ang mga anali-



sis nga ini nga "malakapitalista," "dependyente nga kapitalista" ukon "yara na sa transisyon pakadto sa kapitalismo."

Gin-athag ni Kaupod Sison nga "Indi naton matawag nga kapitalista ang dominante nga relasyon sa produksyon bangud ang dalagku nga burgesya kumprador kag indi ang pungsodnon nga burgesya nga industriyal ang nagapangibabaw. Sa kamatuoran, ang malapyudal nga naganegosyo nga dalagku nga burgesya nga nagakumbinar sa imperyalismo nga US kag pyudalismo ang nagaupang sa pag-uswag sang kapitalista nga industriyal..."

Ang sinulatan nga ini ang pinakadesaysibo nga nag-athag sa halambalanon sang moda sang produksyon kag nagserbi nga sandigan nga talamdan sa pagtuon sa ekonomiya pangkatilingban sa Pilipinas. Pagkaligad sang masobra 25 tuig, nagapabilin ini nga malahaloon sa pag-analisa sa basehan nga problema sang pumuluyo nga Pilipino kag ugat sang krisis sa Pilipinas nga solo desaysibo nga malubad sa pagdaog lang sang rebolusyong Pilipino.

Nahilway si Kaupod Sison sadtong 1986 pagkatapos mapabagsak ang diktaduryang US-Marcos paagi sa malaparan nga pag-alsa. Ang



pag-alsa nga ini ginbun-ag sang masobra isa kag tunga sang dekada sang paghimakas sang pumuluyo nga Pilipino kag malaparan nga nagahiliugyong prente nga antipasis-ta, samtang sige-sige man ang pagsulong sang armado nga rebolusyonaryong paghimakas nga nag-lupok sa pungsod antes pa man ang pagpatuman sang hayagan nga pasista nga paghari.

Sa pagbagsak sang pasista nga diktaduryang Marcos, ginpalapnag sang mga upisyal kag masmidya sang US kag sang mga sosyal-demokrata kag iban pa nga grupo nga repormista sa pungsod ang kaisipan nga sa pagbagsak sang pasis-tang diktadurya kag pagbaylo diri sang rehimeng Arroyo kabahin sang proseso sang transisyon sang pungsod pabalik sa “demokratiko” nga kahimtangan sini antes ang Septyembre 21, 1972.

Sa isa ka serye sang mga lektura bahin sa bag-o nga sitwasyon nga ginhatag niya sa UP Center for Asian Studies sadtong Abril-Mayo 1986, gintuytoy ni Kaupod Sison ang makasaysayan nga ugat sang permanente kag subong nga krisis sang malakolonyal kag malapyudal nga sistema sa Pilipinas. Paagi si-ni, ginbuyagyag niya ang bag-o nga rehimeng Aquino bilang bag-o nga guya lamang sang pareho nga reaksyunaryo nga papet nga maka-

sahing paghari sang mga burgesya kumprador kag dalagku nga agalon nga mayduta. Gin-athag niya nga “ang paglala nga paglala sang krisis ang padayon nga nagahatag sa PKP sang basehan para sa madasig nga rebolusyonaryo nga pagsulong.” Dugang pa ini nga gin-athag ni Kaupod Sison sa sanaysay nga “Ang halambalanon sang Transisyon sa Pilipinas” nga ginpaguwa niya sadtong Disyembre 1987. Gin-athag niya nga hagmak sa permanente nga krisis ang malakolonyal kag malapyudal nga sistema kag dugang pa nga magbaskog kag magalala ang krisis pang-ekonomya kag pangpulitika sang nagaharing sistema.

Ginbaton ni Kaupod Sison ang imbitasyon para sa isa ka serye sang mga lektura sa lain-lain nga pungsod. Samtang yara sa kasag-sagan siya sang paghatag sang mga lektura sa University of Utrecht sa The Netherlands sadtong 1987, gin-ipit siya sang rehimeng Aquino paagi sa pagsuspendi sa iya pasaporte. Bunga sini, naobligar siya nga magpabilin didto kag magpangayo sang “political asylum” ukon proteksyon sang pungsod The Netherlands halin sa pagpang-ipit sang gubyerno sa Pilipinas. Sa pungsod nga ini nakabase ang internasyunal nga upisina sang National Democratic Front of the Philippines ( NDFP). Samtang didto siya, napili si Kaupod Sison bilang pangu-lo nga konsultant sang NDFP sa halambalanon sang pagpakinegosasyon sini sa Gubyerno sang Republika sang Pilipinas (GRP).

Para makakuha sang mga leksyon halin sa mga tama kag sala sa daan nga inagihan kag maubayan ang hulag sang NDFP kag mga rebolusyonaryong pwersa sa liwat nga pagpakignegosasyon sa GRP, ginsuma ni Kaupod Sison ang nau-na nga inagihan sa pagpakignegosasyon pangkalinungan sang NDFP, lakip na ang sala nga pagsulod si-ni sa kasugtanan para sa untat-lu-

pok sadtong Nobyembre 1986 tub-tub Enero 1987 bisan wala pa sang mga nakasugtan sa negosasyon. Duha ka sanaysay ang ginsulat ni Kaupod Sison kaangot sini: ang “Kasaysayan kag mga Sirkumstan-sya nga malahaloon sa halambalanon sang Kalinungan” (Mayo 10, 1991) kag ang “Ang pagtuhay sang balayon sang NDFP sa balayon sang GRP” (Mayo 15, 1991). Ginbalhag ang duha ka sanaysay nga ini sa idalom sang libreto nga “Ang Paghimakas sang Pumuluyo para sa Makatarungan nga Kalinungan.”

Paagi sa duha ka artikulo nga ini, nahimo sang NDFP nga maki-pagnegosasyon sa GRP sang may pareho nga pusisyon, bilog ang integridad kag di nagsurender sang armadong kusog. Para sa NDF, ang halambalanon pangkalinungan ma-athag nga nakabalangkas sa pagre-solba sang mga halambalanon sang pungsodnon nga soberanya kag demokrasya nga yara sa ugat sang nagaluntad nga armado nga banggia-nay sa Pilipinas. Ang mga nakasugtan nga prinsipyo kag balayon sang halambalanon ginsalaming sa The Hague Declaration of 1991 nga ginpirmahan sang duha ka bahin, amo man sang iban pa nga naangkon sadto nga mga kasugtan. Armado sang mga nakuha nga leksyon kag prinsipyo nga ginlatag ni Kaupod Sison, nahimo sang NDFP nga ipakita ang seryuso nga pagpursiger sini nga agumon ang makatarungan kag malawigan nga kalinungan kag nakaagum ini sang madamo nga kadalag-an sa negosasyon.

Padayon nga epektibo nga nagatungod si Kaupod Sison bilang puno nga konsultant sang NDFP sa negosasyon pangkalinungan.

Samtang sa iban nga pungsod, padayon nga hugot nga ginasubay-bayan ni Kaupod Sison ang obhetibo nga sitwayon sa Pilipinas, ang kahimtangan sang pumuluyo kag ang ila rebolusyonaryo nga paghi-makas. Ang ginpagwa niya nga na-

panahon nga mga pangpulitika nga pahayag maid-id nga ginasyabaybayan sang mga progresibo, patriyotiko kag demokratikong pwersa sa Pilipinas. Nakahatag siya sang mga napanahon nga abiso para sa pagpalapad kag pagpabaskog sang Partido Komunista sang Pilipinas, rebolusyonaryo nga armado nga paghimakas kag nagahiliugyong prente. Bisan halin sa malayo, padayon siya nga nagaserbi sang napakaimportante nga iwag para sa mga rebolusyonaryo nga kahublagan, mga patriyutiko kag demokratiko nga pwersa kag pumuluyo nga Pilipino.

Bisan yara sa gwa sang pungsod, daku nga papel pa gihapon ang ginatungdan ni Kaupod Sison sa pagsaway sa mga pagsayup nga nagalala na, sa pagbuyagyag sang mga hayagan na nga nagtraidor sa rebolusyon kag pumuluyo, kag sa pagsulong sang panibag-o nga kahublagan sa pagpanadlong sang Partido kag bilog nga rebolusyonaryong kahublagan halin 1988 tubtob sa komprehensibo nga paglunsar sang bilog nga PKP kag rebolusyonaryo nga kahublagan sang Ikaduha nga Dungganon nga Kahublagan sa Panadlong sadtong 1992.

Lubos niya nga ginpangapinan ang mga sandigan nga prinsipyo sang Marxismo-Leninismo-Maoismo, ang kahustuhan sang pungsodnon demokratikong rebolusyon kag estratehiko nga linya sini sang malawigan nga inaway banwa, kag ang padayon nga aplikasyon sang mga ini sa tanan sang talalupangdon nga mga hitabo sa pungsod. Paagi sa maabtik kag napanahon nga mga pahayag kag mga mensahe, padayon niya nga ginatudlo ang mga ini sa rebolusyonaryong kahublagan, sa nagkalainlain nga mga patriyotiko kag demokratiko nga organisasyon kag pwersa kag sa bilog nga pumuluyo.

Indi mabalibaran ang aktibo kag epektibo nga papel ni Kaupod Sison sa pang-adlaw-adlaw nga



dalagan sang pulitika sa Pilipinas. Paagi sa pagpagwa sang napanahon nga mga pahayag, pakighinun-anon kag paghatag sang suhestyon sa nagkalain-lain nga organisasyon kag malahaloon nga personalidad sa pungsod, ginganyat niya ang pagtukod sang malapad nga nagahiliugyong prente batuk sa rehimeng Estrada, amo man ang pagtukod sang nagahiliugyong prente para patalsikon ang rehimeng Arroyo.

Ang padayon nga daku nga impluwensya kag papel ni Kaupod Sison sa pagpabaskog sang rebolusyonaryo nga kahublagan sa Pilipinas, subong man sa pagpursige kag daku nga impluwensya niya sa liwat nga pagpapagsik sang proletaryo nga rebolusyonaryo nga kahublagan, anti-imperyalista nga kahublagan kag paghimakas sang pumuluyo sa kalibutan nahibal-an sang imperyalismo nga US kag sang lokal nga reaksyunaryong estado. Gani nga wala siya ginauntatan sang ila pagpanamad kag pangpulitika nga pagpang-ipit. Sadtong 2001, sa pagpangampanya sang papet nga rehimeng Arroyo kag paghimbunanay sa rehimeng Bush, ginkabig siya, upod ang PKP kag Bag-ong Hangaway sang Banwa, sa listahan sang US sang ginatawag sini nga "dumuluong nga terorista" sa handum nga mahatagan-rason


ang pasista nga pagpangtapna sa iya kag mga organisasyon nga ini.

Sa duso sang US, ginkuha man sang gubyrno sang The Netherlands ang istatus sang isa ka *political refugee* kag ang mga katumbas nga kinamatarung kag pribilehiyo. Sadtong 1991 tubtub 2001, nagpadala ang reaksyunaryong estado sa Pilipinas sa The Netherlands sang duha ka hubon nga may misyon nga patyon siya. Sining 2007, ginbilanggo sang pulisya sang The Netherlands si Kasamang Sison sang 17 adlaw base sa mga himohimo nga kaso sang ginhimbon nga lutuon sang mga ahensya nga pangseguridad sang mga gubyrno sang US kag Pilipinas. Samtang padayon pa gihapon ang pagpursige sang pulisya sang The Netherlands nga iduso ang mga himohimo nga kaso batuk kay Kaupod Sison, pirme naman napadaog ang depensa niya. Makapila ka beses nga ginhusgahan sang nagkalainlain nga korte didto nga wala sang basehan ang mga akusasyon sa iya kag ang mga ina may katuwang nga malisya nga pangpulitika. Sining Marso 31, bangud sa wala sang ebidensya, dalayon na nga ginbuyan sang prosekusyon nga Dutch ang kaso. Ang paliwat-liwat nga pagbasura sang mga korte sang Dutch kay Kaupod Sison mabaskog nga bunal sa mga gubyrno sang US kag Arroyo kag sa ila mga ahensya nga pangseguridad nga kahimbon para tapnaon siya.

Padayon nga nagserbi nga iwag kag nakaubay sa Partido, sa rebolusyonaryong kahublagan kag sa mas malapad nga patriyotiko kag demokratiko nga kahublagan masa sa pungsod si Kaupod Sison. Matalom siya nga makakomentaryo sa mainit kag napanahon nga isyu, kag nakamatot sa daku sa proletaryo nga rebolusyonaryo nga kahublagan, anti-imperyalista nga kahublagan kag paghimakas sang pumuluyo sa kalibutan.

AB

# Pasista nga desperasyon sang kaaway kag rebolusyonaryo nga pagbato sang pumuluyo



**P**agkapungko gid lang ni Gloria Arroyo sadtong 2001, ginlatag niya ang Internal Security Operational Plan Bantay Laya (OBL). Katuyuan sini nga pungan ang maathag nga nagapagsik nga armadong rebolusyonaryong kahublagan kag tinguhaon nga mawasak ini pag-abot sang 2006.

Lubos nga napaslawan ang OBL. Ginpatampok sang kapaslawan nga ini sa pagsingki sang mga taktikal nga opensiba sang BHB halin sadtong ikaduha nga bahin sang 2005. Sa pangsulod nga pagsumang sadtong 2006 sa pagpatuman sang OBL, sikreto nga gin-ako sang General Staff sang AFP ang kapaslawan nga ini. Nagdesisyon ang rehimeng US-Arroyo nga palawigon ang OBL sa dagway sang mas mabangis nga OBL 2 nga gin-umpisahan sadtong 2007. Sa idalom sang OBL2, gina-engganyo sang rehimen ang paglunsar sang mas agresibo kag mabangis nga pasistang pagpanalakay kag pagpanghalit. Katuyuan sining waskon ukon piangon ang rebolusyunaryong kahublagan kag hawanan ang dalan para magdugay pa sa gahum ang ginakangil-aran nga rehimen.

Sa report nga ginpaguwa sang

Komiteng Tagapatuman sang Komiteng Sentral kaangot sang pag-atubang sa OBL, gintumod sini nga sentral nga katungdanan subong sang Partido, hangaway sang banwa kag bilog nga rebolusyonaryong kahublagan ang ubos-kusog nga pagbato kag pagpaslaw sa ginpalala nga pasismo kag todo nga gera sang OBL, pagpasingki sa kabilugan nga paghimakas para pukanon ang ginakangil-aran nga nagaharing papet kag pasistang rehimeng Arroyo, dugang nga pagpasingki sang pagpakig-away nga gerilya kag tanan nga bahin sa pag-abanse sang rebolusyonaryong paghimakas para sa tunay nga pungsodnon nga kahilwayan kag demokrasya.

Ang daan na nga manipis nga pagkahitad sang mga pwersa sang AFP batuk sa BHB nga ginpalala pa sang OBL. Base sa disenyo kag aktwal nga praktika sang OBL, indi si-

ni masarangan sakupon ang sobra 10% sang subong nga mga prenteng gerilya. Tubtub sa 300 barangay (sa kabilugan nga 42,000) lamang ang masarangan sini nga konsentran sa isa ka panahon. Bisan sa mga prayoridad nga target nga prenteng gerilya, asta 12 barangay lamang ang masarangan sini nga sakupon sa sulod sang tatlo asta anom ka bulan nga mga operasyon. Gani para pasingkion ang mga opensiba kag tinguhaon nga padayon nga lagsan ang BHB sa malapad sa sakop, masami nga ginapwersa sang AFP ang mga tropa sini.

Bangud sa sobra nga pagkahitad sang pwersa sang kaaway, masarangan sang hangaway sang banwa nga mag-abanse sang 90% sang mga prenteng gerilya kag mga katambi nga lugar kon sa diin relatibong manipis kag maluya ang pwersa sang kaaway. Kon ikumpara ang kabilugan nga bahin sang mga naga-opsasyon nga tropa, nakalabaw ang AFP sa BHB sang napulo sa isa (10:1). Pero natunga na ini (5:1) halin sang liwat nga naglupok ang armado nga inaway sa tunay sang AFP kag Moro Islamic Liberation Front.

Maalam nga ginapili sang BHB kon kasan-o kag paano ini nakipag-away sa AFP. Sa sini, nahimo sang hangaway sang banwa nga makalabaw sang 10:1 ukon masobra pa sa maengkwentro sini nga yunit sang AFP ukon PNP. Epektibo nga mapapas sang BHB ang maluya kag nagalapta kag ang nahamulag nga pwersa sang kaaway. Upod diri ang mga yunit nga nabilin nga nagabantay sang malapad nga lugar. Pati ang ginagaspas nga mga pwersang pang-away sang AFP nangin belnurable sa lain-lain nga tipo sang mga atake kag balos nga aksyon sang BHB kon makasulod sa pinakapusod sang mga base kag prenteng gerilya, kapin pa kon wala sang kasunod o katuwang nga pwersa, wala sang reserba kag su-



porta sa kahanginan, malayo sa mga linya sang suplay kag indi masaligan ang linya sang komunikasyon sa mas mataas nga kumand.

Temprano nga napamatukan sang BHB kag rebolusyonaryo nga pwersa ang kakugmat sang OBL. Padayon kag madinalag-on nga ginpamatukan ang konserbatismo kag gerilyaismo, gin-asikaso ang mga basehang pormasyong platun kag relatibong sentralisasyon sang kumand para pataason ang espiritu kag ikasarang nga magbato sang hangaway sang banwa.

Bangud wala sang suporta sang pumuluyo, ang AFP bulag kag bungol. Bangud ginakurakot sang mga nagapamuno nga heneral ang pondo sang AFP, kulang man ang mga pwersa sang kaaway sa mga resorsa kag suplay. Indi sila makatenir sa mga pinaka-interyor sang mga rebolusyonaryong teritoryo kapin pa kon indi permi napadal-an sang dugang nga suplay. Gani nahimo sang BHB nga hungod nga pili-on ang oras kag lugar para sa paglunsar sang sorpresa nga mga taktikal nga opensiba nga may suporta pa sang masa batuk sa mas maluya kag nahamulag nga mga bahin sang kaaway.

Sa desperasyon nga makapakita sang “dramatikong resulta” ang mga kumand sang AFP nangin padasu-daso sa pag-atake. Labaw sila nga nagasalig sa pasistang brutalidad kag terorismo. Pangunahon nga nakasentro ang pagpanghalit nga ini sa mga indi armadong sibilyan nga ginapasibangdan nga tagasuporta sang rebolusyonaryong kahublagan kag ginabilang nga mga armadong kasumpung. Ang pinakamalaut nga bahin sang OBL amo ang malaparan nga pagpatay sa mga lider, aktibista kag tagasuporta sang ligal nga demokratikong organisasyon, alyansa kag partido para pahugon, pahinaon kag waskon ang mga ini paagi sang hayagan nga kalakasan. Ginpalala

pa ini subong paagi sang pagdukot, pagtortur kag pagpatay sa mga pinalangga sa kabuhi kag himata sang mga nagahimakas nga kaupod.

Pareho sang una nga bersyon sini, napaslawan gihapon ang labi nga ginpabangis nga OBL2 sa pihak sang padayon nga pagpabugal sang Malacanang kag pamunuan sang AFP nga madamo na kuno sila sang nawasak nga mga prenteng gerilya kag pwersa sang BHB. Kabaliskaran sang ginapangwakal nila nga ang tunay nga nagakatabo sa mga patag-awayan. Ginasugata ang OBL2 sang sobra sa isa ka taktikal nga opensiba adlaw-adlaw sa lain-lain nga bahin sang pungsod. Sa atubang sang mapagsik nga pag-uyat sang BHB sa inisyatiba kag pagpasingki sang mga taktikal nga opensiba sini sa bilog pungsod, ang kaaway nagasalangisag kag duguon sa madamo nga pilas. Napilitan subong ang kaaway nga bawion ang mga buladas sini kag akuon nga indi sini masarangan nga waskon ang armado nga rebolusyonaryong kahublagan antes ang 2010.

Wala sang isa man ka prenteng gerilya ang nawasak bisan sa mga lugar nga pangunahon nga ginkonsentran sang terorismo kag pagpanghalit sang OBL 1 kag 2. Puro kabutigan ang ginapabugal sang kaaway nga pila ka pulo nga prenteng gerilya ang nabungkag kag pila na lang ang nabilin. May pila ka magagmay nga prenteng gerilya nga gintingub ukon pana-panahon nga ginasimpon ang pwersa batuk sa mas dalagku nga konsentrasyon sang kaaway. May ara nga mga kahigayunan nga temporaryo nga ginsaylo ang mga pwersa. Pero bisan sa amo nga kahigayunan, padayon ang angtanay kag pagbinuligay sang mga Pulang hangaway sa masa kag sa sini napadayon ang mga rebolusyonaryong hilikuton.

Sa daku nga mayorya sa masobra 120 prenteng gerilya, nakapur-

siger ang BHB kag napadayon ang pag-integrar kag pagbuligay sa masa bisan tuman kalapit kag kasunson ang presensya sang kaaway. Padayon nga nagabato ang hangaway sang banwa kag nakahibalo nga magpadaku kag magpabaskog paagi sa pagkumbinar sang paglunsar sang mga taktikal nga opensiba kag pagpabaskog kag nakapadamo pa sang mga prenteng gerilya. Padayon nga ginpalapad kag ginapapagsik ang kahublagan nga masa sa kaumhan ang lain-lain nga dagway kag lebel sang rebolusyong agraryo bilang nagapanguna nga sangkap sang bag-o nga demokratikong rebolusyon. Malaparan nga ginapatuman ang mininum nga programa sang pagpanubo sang arkila sa duta, pagdula sang usura, pagtukod sang mga kooperatiba kag pagpataas sa produktibidad sang mga mangunguma. Sa diin man masarangan sini, ginapatuman ang maksimum nga programa sang kumpiskasyon kag nasyunalisasyon sang mga duta sang mga masupog nga despotiko kag yadtong inabandona sang dalagku nga agalon nga mayduta, kag pagpanagtag sang mga ini para matalauma kag mapuslan sang mga mangunguma nga wala ukon kulang sa duta.

Malapad man ang mga paghimakas kag kampanya nga kontrapasista batuk sa mga pagpanghalit kag pang-abuso sang pasistang kaaway. Sa tunga sang pagsingki sang paghimakas sang pasistang terorismo, padayon nga mapasulong ang mga kampanya sa ekonomiya kag produksyon, edukasyon, kultura kag ikaayong lawas. Padayon man nga ginahimo ang pagsolbar sa mga palaligban sa kubay sang masa kag pag-atubang sa iban nga matag-adlaw nga kinahanglan sang masa. Kaangot sini, ginatukod kag ginapabaskog ang mga rebolusyonaryo nga organisasyong masa sang mga mangunguma, kababainhan, pamatan-on kag

iban pa nga sektor, ang mga tago nga selula sang mga nahanunga nga pwersa kag ang mga organo sang gahum pangpulitika.

Wala sang untat man ang pasista nga terorismo sang rehimeng US-Arroyo sa kasyudaran. Katuyuan sini nga pungan nga makabwelo ang demokratiko nga kahublagang masa kag ang lain-lain nga sektoral nga kahublagan. Ginapaturan man ang OBL sa 27 target nga mga komunidad sang mga mamumugon kag imol sa syudad kag iban pa nga lugar nga ginadudahan nga base sang pungsodnon nga demokrati-kong organisasyong masa kag mga progresibong partido. Ginahiwat sang AFP mga *saturation drive* (pagsona) sa mga komunidad nga ini kon sa diin nagapakita sila sang mga pwersa para pahugon ang mga residente, Gina-atake man sang AFP ang mga welga kag piket sang mga mamumugon kag nagalibot sa mga iskwelahan, ginapungan ang paglunsar sang dalagku nga rali sa Manila kag makahas nga ginabung-kag ang mga ini, kapin pa kon malapit sa Malacañang.

Pero indi mapungan ang pumuluyo. Mabaskog ang mga paghulag kag protesta batuk sa paglapas sa tawhanong-kinamatarung; sa nagapabilin nga manubo nga sweldo; sa pagtaas sang presyo sang langis kag mga basehang balaklon; sa madamo nga kaso sang dalagku kag wala sang untat nga korapsyon nanday Arroyo; sa lain-lain nga padihot kag maniobra para mapalawig ang paghahari ni Arroyo lampas sa 2010; kag iban pa nga mabug-at nga isyu batuk sa paghari sang US-Arroyo.

Ginatinguhaan nga mapabwelo

ang kahublagan sang mamumugon nga ginapaluya sang mga atake sang imperyalista nga polisiya nga "globalisasyon" kag pleksibilidad sa trabaho sadtong umpisa sang dekada 1990. Sa idalom sini ginapaturan ang malaparan nga kaswalisasyon sa pagtrabaho, mga ligal kag iligal nga pag-atake sa mga unyon kag iban pa nga polisiya.

Ginatay-og sang tuman kalala nga krisis sa ekonomiya kag pulitika ang papet nga reaksyunaryong sistema. Grabe nga ginakangil-aran sang malapad nga masa sang pumuluyong Pilipino ang nagaharing rehimen bangud sa sobra sini nga pagkapapet, kawatan, madaya, mapaniplang kag pasista. Ang baraghal nga kagarukan, pagpangdaya, pagpangurakot, kag pagkapintas sang nagahri nga paksyon Arroyo ang paggamit sini sang pinakamahigko kag makahas nga mga maniobra para makapabilin sa poder mas dugang nga nagapadabdad sang akig kag pagbato sang pumuluyo kag labi pa nga nagapalala sang banggianay sa kubay sang mga reaksyunaryo.

Mabaskog subong ang pagpamatuksang pumuluyo sa padihot nga cha-cha kag lain-lain nga padihot ni Arroyo para magpabilin sa poder. Natukod subong ang pinakamalapad nga kahublagan kag nagahiliugyong prente kontra sa cha-cha, malaparan nga pagdinaya sa eleksyon, pagpana-og sang "*emergency rule*" hayagan nga layi militar kag iban pa nga paagi para mapalawig pa ang kagamhanan ni Arroyo. Nagahana ang dalagku nga pagsumpunganay nga makapadasig sa pagpukan sang ginakangil-aran nga rehimen. Mapilit man sini sa anuman man nga paagi ang pagpalawig

sang paghari sini lampas sa 2010, indi na sini makapadugay sa poder kag labi lamang nga magasingki ang pagpukan sa paghari sini bunga sang paghulag sang pumuluyo.

Nabuyagyag man ang pagkapermanente liwat sang presensya kag ang dugang nga interbensyong militar sang US. Ginarason sang US ang pangkalibutanon nga gera sini sa ngalan sang "kontra-terorismo" para magamit ang Pilipinas bilang "ikaduha nga prente" para maproteksyunan ang dominasyon militar sini sa Asia-Pacific Region.

Talalupangdon pa subong ang presensya kag direkta nga pagpahilabot sang mga tropa sang US sa operasyong kombat kag paniktik batuk sa mga bandidong Abu Sayyaf kag sa rebolusyonaryong pwersang Moro sa Mindanao, Sulu kag Palawan. Pero ang pangunahon kag mas madugayan pa nga katuyuan sang interbensyon militar sang US sa pungsod amo ang labi nga pagpasilabot sini sa gera sibil sa tunga sang rebolusyonayo kag kontra-rebolusyonaryong pwersa sa pungsod. Nagasunson na subong ang paghiwat sang Balikatan kag iban pa nga "*US-RP joint military exercises*" sa mga erya sang rebolusyonaryong kahublagan lakip na ang Southern kag North Central Mindanao, Bikol, Panay kag Central Luzon. Ginasulsulan sang US ang paglunsar sang papet nga rehimen sini sang mga kampanyang militar sang pagpanglupig batuk sa mga rebolusyonaryong pwersa kag pumuluyo kag ginapungan ang negosasyon pangkalinungan sa tunga sang National Democratic Front of the Philippines kag sang papet nga reaksyunaryong gubyerno. AB



# Pagpanadlong, mga pagsulong kag hangkat

**B**unga sang makasaysayan nga mga kadalag-an sang Ikaduha nga Dungganon nga Kahublagan Panadlong, nahimo sang Partido kag bilog nga rebolusyonaryo nga kahublagan indi lamang ang pagbaliskad sang mga tendensyang paatras, kundi ang panibag-o nga paglukso sa lain-lain nga aspeto sang mga rebolusyonaryong hilikuton. Sang gindeklarar ang pagsira sang IDKP sadtong 1998-1999, sige-sige na ang pagdaku kag nagasulong ang Partido kag bilog nga rebolusyonaryong kahublagan.

Ang mga kadalag-an sining nagligad nga panahon pamatuod sang kahustuhan sang pag-uyat naton sa pangmalawigan nga inaway banwa bilang estratehiko nga linya sang subong nga ginasulong naton nga pungsodnon demokrati-ko nga rebolusyon.

Sa sulod lamang sang apat ka tuig pagkatapos gindeklarar nga madinalag-on kag ginsira na ang IDKP, nagdaku sang masobra doble ang katapuan sang Partido. Daku nga mayorya sang paglapad nga ini amo nga yara sa mga prenteng gerilya (sa mga yunit sang hangaway sang banwa) kag mga sanga sang Partido sa lokalidad). Nagdamo man ang pwersa halin sa kasyudaran nga nag-entra sa armadong rebolusyon. Ang pila ka libo nga armadong pwersa sang BHB nagdaku pa sang masobra 15% sa sulod sang panahon man nga ini. Bunga sang nagadamo nga madinalag-on nga taktikal nga opensiba, nagdamo sang masobra 33% ang numero sang armas nga nakumpiska sini halin sa kaaway.

Naglapad sang mas o menos 30% ang nahulagan nga barangay. Nagaabot na ini sa 9,000 ukon masobra 21% sang kabilugan. Naglapad sang masobra doble ang numero sang mga organisado nga masa (nga nagaabot na sang pila ka gatos ka libo). Nagaabot na sa 128 ang kadamuon sang mga prenteng gerilya. Nagdaku sang halos tatlo ka sulit ang baseng masa sang armado nga rebolusyonaryong kahublagan. Minilyon ka pumuluyo na ang ginasakop sini sa masobra ka-

tunga sang mga banwa kag syudad sa pungsod. Mas daku pa ang numero sang mga nagasuporta diri sa nagatindog kag ginatukod pa nga bag-o nga mga prenteng gerilya.

Subong, sa pagsaulog sang ika-40 tuig sang Partido kag BHB, padayon ang pagsulong sang rebolusyonaryo nga kahublagan sa pihak sang ginpaigting nga kontra-rebolusyonaryo nga kampanya militar sang rehimeng US-Arroyo. Sa bilog nga Mindanao, nahulagan na sang BHB ang masobra 2,000 baryo sa 200 banwa kag syudad kag 19 ka prubinsya. Nagdamo ang mga prenteng gerilya halin 35 sadtong 2004 pakadto 40 subong nga tuig. Um-pisa Marso 2008 tuhtub Marso 2009, nakalunsar sang sobra 300 taktikal nga opensiba ang BHB sa isla kag nakakumpiska ini sang masobra 350 armas. Sa Northeast kag Southern Mindanao pa lang, nagaabot na sa 400 ang kaswalti sang kaaway, kalakip ang 153 napatay sa mga armado nga aksyon sang BHB. Nagaabot na sa pila ka libo ang numero sang mga suldado sang BHB sa bilog nga Mindanao. May ara na nga nagatindog nga mga organo sang gahum pangpulitika sa lebel munisipal kag lebel inter-baryo kag madamu-damo na ang lebel-baryo. Nagaabot sa 600,000 ang baseng masa sang mga ini.

Sa North Eastern Mindanao Region, sa partikular, naglapad sang 19% ang nasakop na mga baryo sang BHB. Nagtaas sang 35% ang numero sang mga organisado nga masa samtang naglapnag sa mga sentro nga banwa kag syudad ang



impluwensya sang BHB. Kabahin sa mga kadalag-an sang BHB kag rebolusyonaryo nga kahublagan sa rehiyon ang pagpahulag sa pumuluyo para sa rebolusyong agraryo sa nabenipisyuhan nga nagaabot sa 80,000 pumuluyo. Sa Eastern Visayas, nakalunsar ang BHB diri sadtong 2008 sang masobra 60 armado nga aksyon, kon sa diin 75 tropa sang kaaway ang napatay kag pila ka gatos pa ang napilasan.

Sa Panay, naglapad sang 30% ang baseng masa sang rebolusyonaryo nga kahublagan sadtong nagligad nga tuig kag nagtaas ang ikasarang sang mga organisasyon nga ini. Halin 2002, masobra sang doble ang gindaku sang numero sang mga Pulang hangaway kag nag-abot sa duha ka batalyon ang lokal nga milisya. Nakalunsar ang BHB diri sang 66 nga taktikal nga opensiba kon sa diin 40 kaaway ang napatay kag 46 lain-lain nga armas ang nakumpiska. Sa Negros, napangibabawan sang BHB ang isa sa pinakamabaskog nga atake sang AFP sa kasaysayan sang rebolusyonaryong kahublagan sa rehiyon. Apang sa baylo nga malutos, padayon pa nga nagabaskog ang rebolusyonaryo nga kahublagan diri. Na-

kalunsar ang BHB sa Negros sang 51 taktikal nga opensiba, mas madamo kumparar sadtong nagligad nga mga tuig. Kadungan sini, padayon nga nagdaku ang numero sang mga gerilya sang pumuluyo kag naglapad ang mga prente kag baseng masa. Sa Southern Tagalog, nakalunsar ang rehiyon sang 19 ka dalagku kag magagmay nga taktikal nga opensiba kon sa diin nakakumpiska ang BHB sa rehiyon sang 71 armas. Baynte'y nuwebe diri mabaskog kalibre nga riple.


Sa tanan nga mga ini kag sa iban nga lugar sa bilog nga pungsod nga ginkonsentrahan sang OBL, wala sang isa ka prenteng gerilya ang nalusaw sa pihak sang ginpabaskog kag dalagku nga operasyon militar sang kaaway.

Daku ang kakinahanglanon nga padasigon pa ang pagpatapo sa mga rebolusyonaryo nga organisasyong masa kag paabuton ang aktibo nga katapuan sini sang milyon-milyon sa malapit nga palaabuton.

Nagaatubang subong ang kaaway sa isa ka maisog kag indi hamak nga mas daku (pinakadaku na subong sa bilog nga kasaysayan sang rebolusyon nga Pilipino) kag mas mabaskog nga hangaway sang banwa; kag sa isa ka kumprehensibo nga rebolusyonaryo nga kahublagan masa sa mas manggaranon nga inagihan kag mas matalom nga kahanasan sa lain-lain nga porma sang paghimakas. Napanday ini nga daw salsalon sa madamo nga inaway kag paagi sa ginalunsar sini nga mga taktikal nga opensiba may ikasarang ini makapagdulot sang mga makamamatay nga bunal sa mga yunit sang kaaway sa pungsodnon nga sakop.

### **Labi pa nga pagsulong kag hangkat**

Base sa naabot nga pag-uswag halin sang ginsira ang IDKP, ginbalay sang Komite Sentral ang isa ka taktikal nga programa para kumpletuhon ang una nga bahin samtang



nagatikang na pakadto sa tunga nga bahin sang estratehiko nga depensiba. Kabahin sa kaundan sang programa nga ini ang masunod:

**1. Tanan-nga-bahin nga pagpabaskog sang Partido sa ideolohiya, pulitika kag organisasyon kag pagsulong pakadto sa pagtukod sang Partido nga ginatos ka libo ang katapuan.** Kadungan sini ang aktibo kag malaparan nga pagpabaskog kag konsolidasyon sang hangaway sang banwa kag mga rebolusyonaryo nga organisasyong masa para masulong sang tanan-nga-bahin ang mga rebolusyonaryo nga hilikuton.

**2. Pagplastar sang mabaskog nga horisontal nga istruktura sang Partido, hangaway sang banwa kag rebolusyonaryong kahublagan kag pagpasingki sang inaway gerilya, pagpalapad kag pagpapagsik sang rebolusyong agraryo.** Kalakip diri ang wala sang untat nga pagpalapad kag pagpadalom sang baseng masa. Kaangut sini, ang pagpataas sang lebel sang relatibo nga konsentrasyon sang hangaway sang banwa pakadto sa pagtukod sang kusog-kumpanya sang mga prenteng gerilya nga may kusog-platun nga sentro de grabidad sa mayoriya sang mga distrito sa kaumhan kag pagpabaskog sang mga rekisito pa-

ra sa masunod nga halintang sang labi pa nga pagpalapad kag pabalud-balod nga pagpasinsin tubtob sa pagtukod sang mga platun sang BHB sa mayoriya sang mga munisipalidad sa kaumhan.

**3. Pagpalapad kag pagpabaskog sang mga organo sang demokratiko nga gahum pangpulitika** sa lebel baryo, banwa kag distrito sa mga nakonsolida nga lugar; ang pag-asikaso sa lain-lain nga hilikuton sa mga sentro nga banwa; ang pagpapagsik sang pagpamuklat, pag-organisa kag pagpataas sang lebel sang militansya sa mga paghimakas masa pareho sa kaumhan kag kasyudaran; kag ang mapagsik nga pagsulong man sang nagaalangot nga hilikuton alyansa sa tanan nga lugar kag lebel tubtub sa tanan nga posible nga alyado.

**4. Labi pa nga pagpalapad kag pagpaigting sang paghimakas anti-imperyalista, antipyudal kag antipasista:** Ihamulag kag ibagsak ang reaksyunaryo nga rehimen US-Arroyo kag batuan ang nagabaskog nga interbensyon militar sang US.

Sadtong una nga tuig sang pagpatuman sang programa, gilayon nagehistro ang Partido sang relatibo nga mataas-taas nga porsyento sang pagdaku. Bisan pa man, wala nasustine ang kadasig sang paglapad sa mga masunod nga tuig. Katunga pa lang sang ginalauman nga mga target ang nalab-ot. Tuman ka importante nga makapatuhaw, makahanas kag makapauswag sang nagadaku nga kwerpo sang mga kadre sang Partido, hangaway sang banwa kag mga organisasyon masa para masiguro kag mapadasig ang pagpalapad kag pagkonsolida sang horisontal nga latag.

Sa kaumhan, kinahanglan sang mas madamo pa nga kadre nga epektibo makapamuno sa mga sanga kag kumand sang mga platun kag sa mga lubos-panahon nga organo nga teri-

toryal labi na halin sa lebel seksyon tubtub prente nga gerilya. Kinahanglan ang optimum nga kumbinasyon sang mga kadre nga lokal kag mga kadre halin sa gwa; mga kadre halin sa sahi nga mangunguma, mamumugon kag intelektwal; kag mga kadre nga yara sa pamatan-on kag ang mga may manggaranon na nga inagihan. Sa daku nga ginlapad sang baseng masa, kinahanglan sang madamo pa nga dugang nga kadre kag potensyal nga kadre halin sa kasyudaran kag mga sentro nga banwa, labi na halin sa kubay sang mga mamumugon, pamatan-on kag intelektwal. Kinahanglanon gid ang pangkabilugan nga pagpauswag sang mga kadre sa ideolohiya, pulitika, militar kag organisasyon, kag sa lain-lain nga partikular nga linya sang hilikuton. Napakaimportante ang pagdebelopar sang maayo nga proletaryo nga estilo sa ila nga pagpamuno.

Mapagsik ang pagrekrut sang mga Pulang hangaway sa kabilugan kag padayon nga nagadaku ang BHB. Gamay nga paghinay ang tantos sang pagdaku sang hangaway sang banwa sining pila ka tuig. Lakip sa paktor sa likod sini ang ikasarang sang subong nga kubay sang mga kadre kag upisyal sang hangaway nga pamunuan kag konsolidahon ang kubay sang mga Pula nga hangaway. Bisan pa man, sa mga lugar nga mabaskog ang pasista nga terorismo, labi nga nagbaskog ang kaakig sang kaaway kag masami labi pa nga nagdamo ang nag-entra sa BHB halin sa kubay sang mga mangunguma kag aktibista nga ginalagas sang kaaway.

Sa labi nga paglubha sang krisis sang nagaharing sistema, labi pa nga nagbaskog ang basehan sang rekrutment sa hangaway sang banwa. Ang labi pa nga kinahanglanon subong nga masiguro sang Partido kag hangaway ang sige-sige nga pagpabilin, pag-atipan, kag pagsulong sang madamo nga mga bag-o nga nagaentra sa hangaway

sang banwa. Samtang nagadaku ang hangaway sang banwa, ginaatubang sini ang bag-o nga lebel sang mga problema nga dapat lubaron. Yabi diri ang pagpabaskog naton sang kwerpo sang mga kadre nga malaparan nakalapta kag direktang nagapamuno sa mga pwersa.

Sa kasyudaran, kinahanglan sang mas madamo pa nga kadre nga epektibo nga makapatuman sang hilikuton nga pagpamuklat, pag-organisa kag pagmobilisa sa mga pabrika, upisina kag iban pa nga ginatrabahuan, mga eskwelahan kag mga komunidad; makapundar kag makahulag sa lain-lain nga pormasyon kag alyansa para sa mga pangmalawigan kag taktikal nga katuyuan sang Partido kag sang rebolusyonaryo kag demokratiko nga kahublagan; makapamuno sa tago nga kahublagan masa sa kasyudaran; kag makabulig sa padayon nga pagpadala sang madamo nga mga kadre kag pwersa kag iban pa nga porma sang suporta sa paghulag sa kaumahan kag hangaway sang banwa.

### **Bag-o nga tsapter sa atubang sang pangkalibutanon nga krisis**

Samtang nagadalom ang isa sa pinakamabaskog nga imperyalista nga krisis halin pa sadtong Great Depression (Daku nga Depresyon) sadtong dekada 1930, labi nga nagabaskog ang krisis sang malakolonyal kag malapyudal nga sistema sa Pilipinas. Labi nga ginpalala sini ang kaimulon sang bilog nga pungsod kag madamo nga pumuluyo. Lauman nga labi pa nga maglapnag ang mga paghulag kag aksyon protesta sang pumuluyo batuk sa malaparan nga wala sang trabaho kag padayon nga pagkuha sang disente nga sweldo, sa malala nga kakulang sang mga sandigan nga serbisyo pangkatilingban, sa lubos nga kawad-on sang pungsodnon nga industriyalisasyon kag tunay nga reporma sa duta kag sa sobra-sobra nga pagpaantus, pagpa-

migos kag pagtapna sa pumuluyo.

Labi man sini nga ginapasingki ang mapintas nga mga kontradiksyon sa kubay sang mga reaksyunaryo nga sahi. Sa sini, wala lamang nagadasig ang pagbagsak sang nagaharing reaksyunaryo kag papet nga rehimen sa pihak sang desperado nga mga tikang sini para makakapyot sa poder. Lubos man nga ginapahina sang dugang nga krisis ang bilog nga nagahari nga bulok nga malakolonyal kag malapyudal nga sistema sa pungsod.

Ang mga makasaysayan nga hitabo nga ini labi nga napakapaborable sang sitwasyon para magbwe-lo ang pagsulong sang rebolusyonaryo nga kahublagan sa Pilipinas kadungan sang panibag-o nga pagabante sang mga pag-away sang mga rebolusyonaryo nga pwersa kag mga pigos nga pumuluyo kag pungsod sa lain-lain nga bahin sang pungsod.

Ara sa pusisyon subong ang rebolusyonaryo nga kahublagan sa Pilipinas para hingalitan ang krisis sang pangkalibutanon nga sistema nga kapitalista kag lokal nga nagaharing sistema. May ikasarang ini nga pamunuan ang pumuluyo nga Pilipino sa paghimakas para sa pungsudnon nga kahilwayan kag demokrasya batuk sa imperyalismo nga US kag mga lokal nga manughimulos nga sahi sang dalagku nga kumprador kag agalon nga mayduta. Yara sa tunga kita subong sang nagabaskog nga kahublagan masa kag nagalapad nga nagahiliugyong prente para ibagsak ang rehimen nga US-Arroyo kag pungan ang tuyo nga magpabilin sa paghari.

Ang pagsaulog sa ika-40 anibersaryo sang liwat nga pagtukod sang Partido Kumunista sang Pilipinas kag ika-40 anibersaryo sang pagtukod sang Bag-ong Hangaway sang Banwa nagakatabo samtang nagabukas ang bag-o nga tsapter

# Mga kontribusyon sa pangkalibutanon nga kahublagang komunista

**H**alin sa umpisa, ginasulong na sang Partido Komunista sang Pilipinas ang proletaryong rebolusyon sa kaugalingon nga pungsod sa ispiritu sang proletaryong internasyunalismo. Ini ang kontribusyon sang PKP sa pangkalibutanon nga proletaryong rebolusyon batuk sa imperyalismo, modernong rebisyunismo kag tanan nga reaksyon, padulong sa pagpatuman sang istoriko nga misyon sang proletaryado nga agumon ang sosyalismo kag komunistang buasadamlag.

Pinakapektibo nga napatuman ang internasyunalista nga katungdanan sang PKP sa pagpabaskog sang Partido, rebolusyonaryong kahublagan kag nagahiliugyong prente paagi sang nakatindog-sa-kaugalingon kag determinado nga pagpasulong sang subong nga halintang sang rebolusyon sandig sa estratehikong linya sang malawigan nga inaway banwa. Kadungan sini, ginatinguha sang PKP nga may hugot nga relasyon, manggaranon nga pagbayluhanay kag kongkreto nga mga porma sang pagbuligay kag koordinasyon sa tunga sang mga prole-

taryado nga rebolusyonaryo sa Pilipinas kag iban pa nga pungsod.

Sa pagpatuman sang mga inter-



nasyunalista nga katungdanan sini, hugot nga ginauyatan sang PKP ang pang-ideolohiyang linya sang Marxismo-Leninismo-Maoismo. Maathag nga ang mga proletaryong rebolusyonaryo nga nagapanindugan sa MLM amo subong ang pinakapur-sigido, pinakaabante kag pinakon-solidado nga destakamento sang pangkalibutanon nga proletaryado. Espesyal nga rebolusyonaryo kag internasyunalista nga katungdan sang PKP ang aktibo nga pagsakdag kag pagamot sa pagpamanggad sa teorya kag praktika sang MLM paagi sa pagpaambit sang nasuma nga inagihan sang rebolusyon sa Pilipinas. Pareho sang iban pa nga partido komunista kag mamumugon nga nagapanindugan sa MLM, nagasulong ang PKP sang pagtuon sa pangkalibutanon nga sitwasyon kag sa mga ginaatubang nga hilikuton sang mga proletaryong rebolusyonaryo.

Padayon nga ginaangutan sang PKP ang mga partido komunista kag mamumugon sa lain-lain nga bahin sang kalibutan. Sa katuyuan nga pabaskugon ang pangkalibutanon nga

*sundan sa pahina 23*

## *halin pahina 21*

sa kasaysayan sang pungsod kag sang bilog nga kalibutan nga ginapakita sang kalitatibo nga rebolusyonaryo nga paglumpat kag iban pa nga dalagku nga kadalag-an.

Pakadto sa kalitatibo nga paglumpat sang bag-ong demokratiko nga rebolusyon, nakasandig subong ang panibag-o nga lima ka tuig nga plano, base sa natipon na nga manggaranon nga rebolusyonaryo nga inagihan kag kusog. Basehan sini ang dalagku nga kadalag-an sang Partido, BHB, NDFP kag sang malapad nga masa sang pumuluyo nga Pilipino sa nagligad kag subong, kag sa dugang nga nagalubha nga krisis kag depresyon sang reaksyunaryo nga nagaharing sistema sa Pilipinas kag sang bilog nga pangkalibutanon nga

sistema nga kapitalista:

1. Pagpatuhaw kag paghanda sang pila ka pulo ka libo nga kadre sang Partido sa subong kag ginatos ka libo sa malapit nga palaabuton, tuhtub sa milyon nga katapo sa ulihi.

2. Makahas kag madasig nga pagpalapad sang Partido halin sa kahublagan masa.

3. Pasanyugon ang mga kampa-nya para pukawon, organisahon kag pahulagon ang pumuluyo sandig sa pangkabilugan nga linya sang bag-ong demokratiko nga rebolusyon.

4. Pagpaigting sang rebolusyonaryo nga armado nga paghimakas, upod sang rebolusyon agraryo kag sang pagtukod sang baseng masa.

5. Pagsulong sang reporma sa duta pakadto sa bag-o kag mas mataas nga lebel tuhtub sa maksimum

nga lebel, diin man masarangan.

6. Pagpauswag sang mga prenteng gerilya pakadto sa mangin relatibo malig-on nga baseng purok. Pagtukod sang 170 prente nga gerilya halin sa subong nga 128 para masakop ang mayorya sang mga distrito sa kaumhan.

7. Pagtukod sang nagkalainlain nga alyansa sandig sa pagsulondan sa nagahiliugyong prente para malab-ot ang nagapadako nga numero sang pumuluyo.

8. Pagsakdag sang proletaryo nga internasyunalismo, ipabilin ang aktibo sa internasyunal nga kahublagan komunista kag pagpasulong sang malapad nga paghiliusa nga anti-imperyalista nga pagsulong sang pangkalibutanon nga rebolusyon sang proletaryo. **AB**

kahublagang komunista, nagahiliusa ang PKP sa paghimakas sang proletaryado sa iban pa nga mga pungsod, nagatuon sa mga inagihan nila kag nagaamot man sang mga leksyon halin sa kaugalingon nga mga inagihan.

Bangud sa hugot nga pag-uyat sa MLM kag determinado nga pagpasulong sang rebolusyon sa Pilipinas, may lapnagon nga pagkilala kag mataas ang pusisyon sang PKP sa pangkalibutanon nga kahublagang komunista.

Ang rebolusyonaryong kahublagan sa Pilipinas nagaulbo bilang isa sa pila ka nagapanguna subong nga rebolusyonaryong kahublagan sa kalibutan nga ginapamunuan sang isa ka Marxista-Leninista nga partido nga may signipikante nga kusog, kag malig-on nga nagapasulong sang armadong rebolusyon para ibagsak ang imperyalismo kag tanan nga lokal nga reaksyon.

Sadtong Enero 1992, ginpaguwa sang PKP ang artikulo nga "Manindugan para sa Sosyalismo Batuk sa Modernong Rebisyunismo" nga ginsulat ni Kaupod Armando Liwanag, Tagapangulo sang PKP. Diri matalom nga gintuytoy ang kasaysayan sang pagginahum sang modernong rebisyunismo sa USSR kag pagpanumbalik didto sang kapitalismo. Ginbuyagyag sini ang kinaiya nga sosyal-imperyalista sang USSR, ang mga tampok nga polisiya sang mga rebisyunistang rehimen halin kay Khrushchev pakadto kay Gorbachov, kag ang dalayon nga pagrusrdak sang USSR sadtong 1990.

Sadtong 1993, sa sentenaryo sang pagkabun-ag ni Mao Zedong, nagbuligay ang PKP sa iban pa nga mga partido komunista sa pagpalapnag sang pangunahon nga mga tudlo sang dungganon nga komunistang manunudlo. Aktibo nga nagbulig ang PKP sa paglunsar sang "International Seminar on Mao Zedong Thought" sadtong Nobyembre 6-7, 1993 sa Gelsenkirchen, Germany kon sa

diin ginplatar kag una nga ginpirmahan ang "Pangkabilugan nga Deklarasyon sa Kaisipang Mao Zedong."

Makaligad ang pagsaulog sang ika-50 anibersaryo sang paghimakas anti-rebisyunista sadtong Mayo 1, 2007, upod ang PKP sa mga partido komunista nga nanindugan sa MLM nga nagpaguwa sang deklarasyon agud liwat nga palig-unon ang importansya kag signipikansya sang paghimakas sa modernong rebisyunismo halin pa sa rebisyunista nga unod sang ika-20 nga Kongreso sang Partido Komunista sang Soviet Union (CPSU) sadtong 1956 tubtub sa paglunsar sang Dungganon nga Proletaryong Rebolusyon Pangkultura sa China halin 1966 kag pagpadayon sini makaligad maagaw sang burgesya ang gahum sa China sadtong 1976.

Antes pa ini, nangin aktibo ang PKP sa mga pagpulong sang International Conference of Marxist-Leninist Parties and Organizations (ICMLPO) halin 1988 kag nagserbi ini nga tagapangulo sang Joint Coordinating Group sini.

Nag-amot ang PKP sang lain-lain nga mga artikulo sa mga internasyunal nga seminar lakip ang mga "Mga Tesis sa Sitwasyon sang Kalibutan" (Abril 1994), "On Monopoly Capitalist Globalization" (1996), "In Celebration of the 75th anniversary of the Great October Socialist Revolution" (1992), "On the Petty-Bourgeoisie and the Future of Socialism" (nga ginsulat ni Kaupod Jose Ma. Siason sadtong 1992), "On the Contemporary World Situation and the Vitality of Marxism" (kontribusyon sa internasyunal nga seminar sa okasyon sang ika-175 nga tuig nga pagkabun-ag ni Karl Marx sadtong Mayo 5, 1993), kag iban pa.


Nagasuporta kag nagabuligay man ang PKP kag rebolusyonaryong hublag sa Pilipinas sa mga banwa, pungsod, pumuluyo, partido kag kahublagan sa luwas sang pungsod nga nagapanindugan batuk sa mapanghimulos kag mapiguson nga

mga polisiya kag tikang sang mga imperyalista kag reaksyunaryong gahum. Ang mga angtanay sa lebel sang gubyerno, mga pangkalibutanon nga institusyon kag malapad nga organisasyon kag kahublagan sang pumuluyo natigayon paagi sa NDFP kag mga alyadong organisasyon sa kubay sini.

Ginatib-ong kag ginasuportahan sang PKP ang masangkad nga hilikuton solidaridad kag diplomatiko sang NDFP, amo man ang iban pa nga mga alyadong organisasyon sa kubay sang NDFP, kag mga relasyon sini sa luwas sang pungsod. Naangkon sang NDFP ang lebel sang pormal nga diplomatiko nga pagpakigrelasyon sa pila ka gubyerno, pareho sang Algeria, Iraq, Cuba, Norway kag iban pa. Ginaengganyo man sang Partido ang tanan nga mga ligal nga patriyotiko, demokratiko kag progresibong pwersa nga Pilipino nga magtukod sang mga relasyong solidaridad sa mga kaangot nila nga iban nga pungsod.

Malapad kag mapagsik man ang ginapamunuan sang PKP nga pagorganisa sa pumuluyong Pilipino nga ara sa lain-lain nga pungsod kag ang pagbuyok sa ila mga paghulag kag amot sa pagpasulong sang rebolusyon sa Pilipinas, kadungan sang mahimo man nila nga mabulig sa rebolusyonaryong kahublagan sa subong nga ginahamtangan nga pungsod.

Sa tunga sang indi basta malubad kag labi nga nagalala subong nga krisis sang pangkalibutanon nga sistemang kapitalista, magaluntad ang tuman ka paborable nga kundisyon para sa panibag-o kag mas mataas nga lebel sang pagsulong sang pangkalibutanon nga kahublagan rebolusyonaryo kag pagbukas sang bag-o nga tsapter sa rebolusyonaryo nga kasaysayan. Malauman ang nagapadayon nga kontribusyon diri sang Partido Komunista sang Pilipinas kag rebolusyonaryong kahublagan nga ginapamunuan sini. AB

**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Espesyal nga Isyu  
Abril 14, 2009  
[www.philippinerevolution.net](http://www.philippinerevolution.net)

Pangbukas

## Mga pangkasaysayan nga selebrasyon

**G**inapaguwa sang *Ang Bayan* ang espesyal nga isyu nga ini bilang kabahin sang pagselebrar sang ika-40 anibersaryo sang Partido Komunista sang Pilipinas (PKP) kag Bag-ong Hangaway sang Banwa (BHB). Ginsunod sa espesyal nga ini ang kasaysayan sang PKP kag sang rebolusyonaryo nga kahublagan sang pumuluyo halin dekada 1960 sa katuyuan nga may mas madalom nga ihibalo sa subong nga kahimtangan, mga hilikuton kag perspektiba sang rebolusyo nga Pilipino.

Ang espesyal nga isyu nga ini nagaserbi man nga kontribusyon sang PKP sa pagsaulog sa ika-50 tuig sang rebolusyonaryo nga paghimakas sang tagapundar nga pangulo sang PKP nga si Kaupod Jose Ma. Sison, isa sa pinakakilala kag pangunahon nga proletaryo nga rebolusyonaryo nga lider sa Pilipinas kag sa bilog nga kalibutan. Ang rebolusyonaryo nga kasaysayan ni Kaupod Sison nakatahi na sa kasaysayan sang PKP kag rebolusyon nga Pilipino. Indi maayuan ang malahalon nga papel nga gintungdan kag padayon nga ginatungdan niya sa pagpasulong sang rebolusyonaryo nga paghimakas sang pumuluyo.

Ang espesyal nga isyu nga ini mahimo nga magaserbi nga dugang nga materyal para sa masangkad nga pagtuon sa kasaysayan sang PKP. Halin diri mahimo tun-an ang iban pa nga mga dokumento kag balasahon agud mas madaluman nga tun-an ang lain-lain nga tsapter sang kasaysayan sang PKP.



## Ang una nga tinuig sang gintukod liwat nga Partido

**B**ag-o gid lang matukod liwat ang Partido Komunista sang Pilipinas sadtong Disyembre 26, 1968 gilayon na ini nangkon sang bulawanon nga kadalagan sa patag sang ideolohiya, pulitika kag organisasyon.

Pinakadaku sa mga ini amo ang pursigido nga pagsikway sa moderno nga rebisyunismo sang mga Lava kag pagsakdag kag paggamit sa Marxismo-Leninismo-Kaisipang Mao Zedong (MLK-MZ) bilang teoritiko nga ubay sang Partido, ang matalom kag madalom nga kritika sa kasaysayan kag katilingban nga Pilipino, kag ang pag-athag sa linya sang pungsodnon demokrati-kong rebolusyon, lakip na ang makasahing linya, mga tulungdan kag mga pamaagi sini.

Antes ini, lubos na nga nangin burgis, inutil kag abusado sa pumuluyo ang daan nga partido nga nasamad sang moderno nga rebisyunismo. Ang daan nga hangaway sang banwa nga anay ginapamunuan sini nangin mga hubon lamang sang mga bandido nga lagawan.

### Paghanda sa liwat nga pagtukod sang Partido

Halin sa sulod sang daan nga partido, nagpursiger ang mga



## Mga instruksyon sa paglilimbag

**1.** Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

**2.** Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

**3.** Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angba-yan@yahoo.com*